

DE
MIGRATIONIBVS
POPVLORVM SEPTEMTRI-
ONALIVM, POST DEVICTOS
à C. Mario Cimbros;

Item

DE RVINA IMPERII
Romani

Auctore Nicolao Machiavello
Factus ex Italico sermone Latinus;
Per

HIERONYMVM TVRLERVM I.V.D.
Subiecto rerum & verborum INDEX.



HANOVIAE
Apud Guilielmum Antonium,
MDCI.



GEORGIVS NIGRI-
nus ad Lectorem.

Si cupis Imperii casus, causasque ruinae
Noscere, & in Latio praelia mora solo:
Hec lege, Pontificū viresq; dolosq; videbis,
Omne per Imperiū qui peperere malū.
Hinc Latii, pcerum res gestas, stemmata, bella,
Multaq; cum fructu diuite facta leges.
Aurorē cōmendat op^o: scripta erue Lector,
Plus quā fortē putas, vtilitatis habent.



N. Nic. Machiaveli
Historia Florentina liber prima ILLVS



ILLVSTRISSIMO PRIN-
CIP I AC DOMINO, D. AV-
gusto, sacri Rom. Imp. Elector i ac Archima-
rescalco, Duci Saxoniae, Lantgrauio Turin-
giae, Marchioni Misniae, & Burggra-
uio Magdeburgensi, domino suo
clementissimo.

ILLVSTRISSIME Elector,
Domine clementissime, Omnium
temporum historiae testantur,
Monarchias & imperia singulari Dei
voluntate constitui ac gubernari. Ut au-
tem nullum maius aut potentius fuit Ro-
mano illo, ita nullum habuit tam mirabi-
les mutationes ac μεταβολήματα: Nam si
quis singula ea consideret, quae in iis consi-
derare iubent homines sapientes & politi-
ci, originem, progressum, partes, formam,
& declinationem seu interitum: intelli-
get utiq; cetera, Imperia & Monarchias
Romanae huic admodum dissimiles fuisse:
Ut enim nihil dicam de incunabulis eius-
dem, quae & initium aliud habuerunt,
quam priores illa, omnesque Rerumpub.

*formas ac partes, propter Regiam, Consu-
larem ac Tribunitiam potestatem feren-
darum legum; ubi tempus aderat, ut
Deus filium suum mitteret in hunc mun-
dum, qui, quemadmodum initio nos crea-
uit è nihilo, ita ad regenerationem voca-
ret, & ex filiis tenebrarum filios lucis fa-
ceret, regnumque sacerdotale constitueret:
an non tunc accidit mirarum omnium
metamorphosis, longè dissimilis initiis a-
liarum monarchiarum? Cæptum prater-
ea est non per unum aliquem consuli or-
bi, neque per optimates, neque per omnes,
ut antea consueverat fieri: sed per Pontifi-
ces simul ac Imperatores; quorum alteri
diuinis, alteri humanis rebus præessent.
Ac initio quidem magis emicuit Impera-
toria, quàm Pontificalis dignitas, in
hac gubernatione orbis, cum Roma sub
Imperatoribus vigeret civilis sapientia,
quæ tamen partim scribentium multitu-
dine, partim hostilibus barbarorum in-
cursibus mirum in modum confunde-
batur. Postea Iustiniano Principe Constanti-
nopoli potissimùm imperante, equalibus
fermè auspiciis regnarunt Pontifices &
Impera-*

DEDICATORIA. §

Imperatores, factumq; per eundem Iustinianum, ut post orbem arctius pacatum leges quoque haberemus ad certum modum ac legitimum ordinem reuocatas. Postquam autem summa rerum ad Germanos nostros venit, certa quaedam ac propè diuina ratio eligenda Imperatoris inuenta est, obtinuitque, ut partim Pontificiis, partim Iustinianeis legibus in hunc usque diem viueremus.

Sed si quis expendat tempora, quae inciderunt inter tres istas mutationes gubernationis huius Monarchiae, intelliget, ni fallor, cccccc. fermè annis singulas accidisse. Sunt enim ab aetate Iulii Caesaris vel Augusti, à quo omnes historici quartam hanc Monarchiam ordiuntur, anni circiter cccccc. usque ad Iustinianum Imperatorem: ab hoc iterum totidem ferè usque ad Electorum institutionem in Imperio; & totidem denique usq; ad Patrum nostrorum memoriam, annum Christi 1500. sumusque iam ingressi nouam periodum ad annos 64. qua quid futurum sit, soli Deo cognitum est, quem etiam atque etiam oramus, ut id quodi-

pfi, non nobis, optimum videtur, benignè
 ac clementer largiatur. Ita breue hoc an-
 norum curriculum quasi terminus est, &
 limes eorum, quæ vel constituuntur & fi-
 unt, vel mutantur in hac Monarchia
 Romana, quemadmodum etiam in reliquis
 Monarchiis & Imperiis possumus anim-
 aduertere, singulis ccccc. annis illu-
 stres mutationes factas. Nam Herodotus
 scribit ultra ccccc. annos Assyrios non
 tenuisse primam Monarchiam, sed in ipso
 penè istorum annorum momento incidisse
 in ea mutationem, captaque Babylone
 ad Medos translatum esse Imperiū. Quid?
 quod multa regna & Respubl. non attige-
 runt illam periodum, ut Atheniensium,
 quæ à Cecrope ad Codrum vsque floruit
 tantum annos 490. Lacedæmoniorum,
 quæ itidem tot annos, nimirum à Lycur-
 go vsque ad Alexandri Magni etatem;
 & Aenea posteritas Albæ imperauit, an-
 nos non plus 430. quibus peractis, Roma
 est condita, factumque initium nouæ Mo-
 narchiæ & Imperii. Paucula denique re-
 gna, Monarchiæ aut Respub. terminum
 huius periodi excefferunt, quin insignis
 aliqua

aliqua fieret in iis mutatio; & experientia testatur, solere plerunque in ipso articulo illius fatales mutationes accidere.

— Sic omnia verti

Cernimus, atq; alias assumere pōderagen-
Concidere has, inquit ille. (tes,

Sunt autem duo, quæ exitium pariunt omnibus Imperiis aut Regnis: Propria voluntas, & vis externa; hoc est, ut clariùs dicam, ruunt illa, cùm vel ipsa se conficiunt, vel vi externa premuntur. Prius accidit multis modis: veluti cùm vulgus res novas cupit, & qui vulgo presunt, ignaviâ torpent, nec tam publicæ utilitati, quàm privatis commodis sunt addicti. Unde vel in religione oritur mutatio aliqua, vel in forma administrationis. Externa vi labefactantur, cùm peregrinæ gentes in ea se effundunt, novas sedes, nova domicilia quærentes: Ut cùm Vandali Africam, Gothi Italiam inuasert, cumq; Romanis à Gallis, Longobardis, & tandem à Germanis ereptū est imperium. Pessimè autem fit, si utrunque hoc malum concurrit in regni alicuius mutatione, hoc est, si ipsum se conficit, simul & ex-

terna vi premitur. Quae enim potest esse spes diuturnitatis ac potentiae, ubi summa est animorum distractio, & priuatum commodum praefertur bono publico, ubi vestigia maiorum relinquuntur, noua placent, & res veteres non tam delent consulto, quam furenter euertuntur? Hostis autem & vis externa eo minus queunt reprimi, si intus ista gerantur in Reipub. sique is, qui, ut dicitur, pro focis & aris aduersus communem hostem, cum concine suo in acie pugnare debet, cum eodem ipse acerrimam foveat similitatem, & digladietur fide. Nulla maior aut acerbior inimicitia est inter ciues unius eiusdemque Reipub. hac ipsa, quae ex religione oritur. Nam ut diuinum quiddam est religio, nec fuit vlla vnquam gens tam barbara, quam illa non commouerit: ita sua cuique maxime chara est, etiam si mala sit, ac mutata nouos & insolitos motus gignit in animis hominum, amorem mutuum extinguit, & pulcherrium illud vinculum nexumque societatis humanae dissoluit. Sin etiam ciuilia mala accedunt, fieri non potest, quin extremum exitium immineat ei, siue Reipub. siue Imperio.

perio, quod hisce morbis & symptomati-
bus est infectum: & plerunque sequitur
tertium illud malum, nimirum, ut & i-
psum se cōficiat intus, odio ac opinionum
varietate, & foris ab hoste opprimatur.
Nihil opus est cōmemorare exempla ve-
terū, cum vel sola Græcia illustre, at hor-
rendum exemplum nobis se prabeat: Qua
cū cōtentionis esset amantior quā pa-
cis, nec tam veritatis studiosa quā opi-
nionum, mutaretque indies multa, quæ o-
lim summo labore & prudentia constitu-
ta essent à maioribus: foris quoq; reperit
hostem, qui eam premeret, fecitq; sua hac
contentione ac discordia, ut & ipsa tan-
dem funditus periret, & quod omnes nūc
dolemus, stupenda quadā Dei permissio-
ne Oriens ab Occidente auelleretur. Sunt
igitur illa, quæ iam dixi, causæ & media,
quibus omnia Imperia concidunt, secun-
dum Ethnicos scriptores, paucis demptis,
quæ casu aliquo, vel potius diuinitus in-
terierunt, diluuiο, conflagratione, aut si-
milibus miseriis. Sed si quis rursum qua-
rat causam harum causarum, maximè in
Repub. Christiana, nullā aliam inueniet.

opinor , quàm peccatum. Sape etiam ob
unius hominis tantum delicta tota re-
gna persoluerunt pœnas. Quòd Priami
regnum deleretur , non erat in causa Pal-
ladium furto sublatum ab Vlysse, & à Pa-
lamede proditum , ut Phrygius scribit :
sed scelus Paridis erat in causa , iniuste
rapiantis alterius coniugem , & hospi-
tii iura violantis : postea accedebant pec-
cata aliorum , tam procerum quàm sub-
ditorum in eodem regno , & animi Græ-
corum accendebantur ad vindictam , cum
Menelaus raptam coniugem sine armis
recipere non posset. Oriebatur igitur hac
occasione bellum diuturnum inter Græ-
cos & Troianos , verè , quod aiunt , Ἰλιάς
κακῶν , non Troianis tantum , verum
aliis quoque populis , Asiæ ac Europæ.
Hanc causam malorum non novit E-
thnicorum doctrina , nec iudicat primam
ac precipuam causam mutationis regno-
rum hominum scelera esse : sed arcanum
& fatalem naturæ ordinem , materiam
variè miscentem , & omnia paulatim
preparantem ad interitum , sicut Crati-
pus dicebat Pompeio conquerenti , quòd in
causa

DEDICATORIA. 11

causa iustiore à Deo desertus esset, multas esse causas, partim phsyicas ac fatales, partim morales, & harum alias propiores, alias remotiores, cur Imperia mutentur.

Certissimum autem est, mutationes istas varia precedere indicia, veluti horrendas eclipses solis, cometas, terræ motus, omnis generis prodigia, & sumorum virorum interitum. Quamquam enim plerq; ex his efficiantur certo quodam siderum congressu, vel aliâ naturali quadam ratione & commixtione Elementorum, sub Luna globo, ut isti docent, qui secreta natura scrutantur: Scriptura tamen diuina expressè testatur, esse ea imminentium periculorum notas, maximè si metas vsitatas excedant, aut insolito tempore fiant. Cùm initio belli Peloponesiâci tanta eclipsis solis conspiceretur in medio die, ut aues deciderent in terram ex aëre, tenebris pulsæ, manifestè designabatur Gracia calamitas, Periclis tempore. Sic cùm urbis Hierosolymitana excidium instaret, totiusq; Iudaice politia, post Messiam interfectum, annos circiter 40. scribit Iosephus, grauis autor,

præter eclipses, cometas, & horrenda meteorora, etiam miserabiles eiulatus canum armorumque strepitum auditum fuisse. Planè eodem modo vastationem Italia denunciarunt multa ac varia prodigia, cōspecta sunt ignea acies in aëre interse dimicantes, sanguis ex terra & parietibus scaturiens; & alia multa eius generis. Atque ut iterum dicam de Græcia, quòd illa indicium ex his aut similibus non vidit, antequam aurore nostrorum memoria opprimeretur à Turcis. Nec minus ornata erat illa viris summis in re militari, ac optimarum artium disciplinis, qui tamen omnes ferè antè auferebantur è viuis, ne calamitatem & interitum patriæ viderent, vel in ipso interitu interficiebantur: pauci ex his euaserunt, ut Gaza, Belsarion, Trapezontius. Ac est profectò digna memoria notatio, summorū virorum mortem plerumq; trahere secum magnas Imperiorum ruinas: non solum, quia scriptum est, pios præripi impendenti-bus malis, verum etiam, ut morte eorūdem admoneamur mirabilis sapiëntiæ Dei, qui calamitatibus publicis has similesque

notas

notas ac indicia pramittit, velut nequid-
 puz quosdam, quibus mala impendentia
 prouideamus, vocemur ad meliorem vita
 frugē, nec confidamus nostris viribus aut
 prudentia. Obibat diem Alexander Ma-
 gnus, exercitum maximum relinquens
 Philippo filio, interim regna parta ab eo
 deficiebāt, & vires Imperii relictī statim
 debilitabantur. Sin piorum exempla re-
 quirimus, notum est Stiliconis dictū, post
 mortem Ambrosii secuturas magnas ca-
 lamitates: id quod accidit deinceps. Mor-
 tuo enim Ambrosio Gothi inuasērunt Ita-
 liam, & horribiliter eam deuastārunt. Sic
 mortuo Augustino, Africa potiebantur
 Vandali, & plantarunt in ea prouincia
 horrendam heresin.

Iam verò si quis considerat presentem
 rerum statū in Imperio Romano, & Ger-
 mania nostra, reperiet profectò in ea mi-
 rabilem confusionem rerum simul ac per-
 sonarum. Quotusquisq; enim est, qui offi-
 cium suum rectè facit & exequitur? Non
 dico de perfectione illa, quā Plato somniat
 in sua Repub. & qua in hac corrupta na-
 tura imbecillitate esse non potest, de politi-

cis virtutibus loquor, quæ civili quadam ratione ab uno quoque requiruntur, propter vinculum societatis humanae. Tanta enim est nequitia multorum, vel perfidia potius, ut paucos admodum reperras non solum Piladas, Orestas, Theseos, Perithoos, Scipiones aut Lelios, verum eos quoque, à quibus rebus in aduersis rectum consilium capere, iisque animi tui cogitationes tuto concedere possis. Sunt autem mala hæc maiorum malorum in Rebus publ. initia & fontes. Itaque nihil mirum, si hoc tempore dissensiones oriuntur alibi, alibi manifesta bella civilia. Sed certè nihil est perniciosius Imperiis, quàm tali morbo laborare. Nam vires opesque civium hoc pacto facilius franguntur, & externis populis occasio prebetur, dilatandi Imperium suum, quam si sapiunt, negligere non solent. Græciam Mahometes subegit, dum Hispani de Sicilia & Neapoli certantes totam turbarent Italiam, & Germaniam Hussitæ. Baiazetes Venetis ademit Methonem, Naupactum ac Dyrrhachium, dum Maximilianus ardens bellum gerebat.

DEDICATORIA. 15

tebat contra Heluetios. Quid autem Selymus? Nónne ille arma in Aegyptum transtulit, victisque duobus Sultanis, Campsone ac Tomembeio, totam Aegyptum occupabat eodem tempore, quo Maximilianus bellum internecinum habebat cum Venetis, & Sigismundus Rex Polonia, Borussia eriperet Imperio. Solymanus Belgradum tunc cepit, quando Carolus Imperator recuperavit Mediolanum, Francisco rege Galliarum ad Ticinum capto. Breuiter, nihil aliud Turcarum Imperatorem in Hungariam primum omnium pertraxit, quam quòd videret incolas illius regni intestino odio ac simultate inter se flagrare, & Carolum Imperatorem bello Gallico implicatum, Ludouico Regi auxilio esse non posse. Deinde tanta est quorundam impudentia & temeritas hoc tempore, ut studiosè negligant officium suum, ac praeclare se facere existiment, si quid faciant prater id, quod ipsos decet, si magistratui suo totis viribus se opponant, si viros summos atque optimè meritos de Republ. lingua pariter ac ca-

lamoproscindant; si virus suum venenissimum in omnes expuant; si ad sediti-
nem moueant plebem, eandemque egregiè
præparent ad barbariem. Sed quoniam i-
psi nobis accersiuimus hoc malum, dum
omnibus hætenus impunè licuit scribere
& loqui quoduis, vel debacchari in quem-
uis, eo difficilius poterit eradicari. Loquor
autem de politicis rebus. Nam quod ad
religionem attinet, magna gratia habenda
est Deo opt. max. qui vera doctrina lu-
cem nobis iam restituit, traditionibus hu-
manis antehac mirum in modum obscu-
ratam: sed dolendum interea est, passim
reperiri aliquos eruditos quidē, eo tamen
animo præditos, ut siue animi acerbitate
moti, siue vana gloria causa ea moueant
in dubium, in sacrosanctæ fidei nostræ do-
ctrina, quæ aut damnata olim, aut eius ge-
neris sunt, cuius illa, quæ à I. C. ἀποστατα,
à Rhetorib. ἁπλοῦς, seu inexplicabilia vo-
cantur, sæpe etiam non necessaria aut u-
tilia: Quod equidem zelo ne religionis,
an verò spiritu Pythonis ab illis fiat, pii,
ac qui contentiones nō amant, faciliè diui-
dicant. Vna enim veritas est, inquit
Paulus,

Paulus, vnū baptisma, vnus Christus; nec in alium finem incipiunt multi dubitare de fide, quàm ut nulla tandem vera existat: quod etiam de sua aetate conqueritur Hilarius. Non lubet recensere alia vitia & incommoda Reipubl. cum multa videamus indies, ac tanta sit turpitudine morum in quibusdā, ut Cynicorum more nihil existiment esse turpe, & ornatus loco turpitudinem etiam in vestitu querāt. Scribunt Magos aliquando Persis pradixisse, breui ipsis Macedones imperaturos, quòd eo anno, qui proximè precedebat pugnam commissam inter Darium & Alexandrum Magnum, Darius gladiū quem gestare solitus erat, Macedonum more ornasset: & Augustus Imperator conspiciens quendam è suis ciuibus pallā indutum, fertur exclamasse illud Vergiliū:

Romanos rerum dominos, gentemque
togatam.

Quid diceres, Auguste, si hoc tempore in Repub. nostra videres homines non modò palliatos, aut armis Persicis, verum etiam Turcicis ornatos, & capite cristatos, pedibus bracatos alatosve? Ita nimirum ve-

lamoproscindant; si virus suum venenosissimum in omnes expuant; si ad seditio-
nem moueant plebem, eandemque egregiè
preparent ad barbariem. Sed quoniam i-
psi nobis accersiuimus hoc malum, dum
omnibus hætenus impunè licuit scribere
& loqui quoduis, vel debacchari in quem-
uis, eo difficilius poterit eradicari. Loquor
autem de politicis rebus. Nam quod ad
religionem attinet, magna gratia habenda
est Deo opt. max. qui vera doctrina lu-
cem nobis iam restituit, traditionibus hu-
manis antehac mirum in modum obscu-
ratam: sed dolendum interea est, passim
reperiri aliquos eruditos quidè, eo tamen
animopraditos, ut siue animi acerbitate
moti, siue vana gloria causa ea moueant
in dubium, in sacrosanctæ fidei nostræ do-
ctrina, quæ aut damnata olim, aut eius ge-
neris sunt, cuius illa, quæ à I. C. ἀσύντακτα,
à Rhetorib. ἀπρόεγ, seu inexplicabilia vo-
cantur, sæpe etiam non necessaria aut u-
tilia: Quod equidem zelo ne religionis,
an verò spiritu Pythonis ab illis fiat, pii,
ac qui contentiones nō amant, faciliè diu-
dicant. Vna enim veritas est, inquit
Paulus,

Paulus, vnū baptisma, vnus Christus; nec in alium finem incipiunt multi dubitare de fide, quàm ut nulla tandem vera existat: quod etiam de sua aetate conqueritur Hilarius. Non lubet recensere alia vitia & incommoda Reipubl. cum multa videamus indies, ac tanta sit turpitudine morum in quibusdā, ut Cynicorum more nihil existiment esse turpe, & ornatus loco turpitudinem etiam in vestitu querāt. Scribunt Magos aliquando Persis pradixisse, breui ipsis Macedones imperaturos, quod eo anno, qui proximè precedebat pugnam commissam inter Darium & Alexandrum Magnum, Darius gladiū quem gestare solitus erat, Macedonum more ornasset: & Augustus Imperator conspiciens quendam è suis ciuibus pallā indutum, fertur exclamasse illud Vergiliū:

Romanos rerum dominos, gentemque togatam.

Quid diceret, Auguste, si hoc tempore in Repub. nostra videres homines non modò palliatos, aut armis Persicis, verum etiam Turcicis ornatos, & capite cristatos, pedibus bracatos alatosve? Ita nimirum ve-

tera aspernamur, studemus nouis, simu-
 lante mutua & dissensione ipsi nobis inferi-
 mus bellū, ac intus nos prius letaliter vul-
 neram⁹, quā ab hoste trucidamur foris.
 Porro paucorum annorum spacio tot hor-
 rendas vidimus eclipses utriusque lumi-
 nis caelestis, tot cometas, prodigia, terra-
 motus & portenta, ut nihil umquam i-
 storum omnium acciderit ullo tempore
 apud veteres, cuius non insignia aliqua
 exempla fuerint conspecta, sitque integer
 liber conscriptus de his ac similibus na-
 tura miraculis, quae recensiter acciderunt.
 Vidimus etiam multos praclaros Duces,
 & inter hos Imperatorem D. CARO-
 LVM V. scientia rei militaris, virtute,
 autoritate & felicitate praestantem, opti-
 mumque Principem: Vidimus item vi-
 ros summos in omni disciplinarum ge-
 nere, qui omnes propemodum nobis su-
 perstitibus euocati sunt ex hac vita ad cae-
 leste illud animorum concilium, ubi
 quiete summa fruuntur. Nec vlla aetas à
 Theodosii temporibus tulit simul tot eru-
 ditos viros, ut nostra illa sub Imperato-
 re Carolo: Vidimus denique multa alia
 diuer-

diuersorum generum partim præclara atque vtilia, partim stupenda & inusitata; quæ si quis temerè facta arbitratur, is mihi videtur non tam extimescere casus humanos, quàm caelestem iram aspernari. Sin-
gula dixerit esse, hoc est, signa non necessaria, sed quæ communiter soleant accide-
re, vereor nè erret: habent enim *τὸ πρὸς τὸν* certissimum coniunctum, vitæ dissolutionem, & honestatis omnis interitum. Non sunt igitur inania hæc signa, aut ludibria fortuna: sed aut Diaboli opera in corrupta hominum voluntate, aut natura dolentis quodammodo casum nostrum, & dissolutam viuendi rationem, monstrantisque calamitates, quæ ceruicibus nostris impendent, ac mirabiles rerum mutationes minantur. Fortasse etiam eò maiores, quò maior est perturbatio & ἀταξία omnibus in rebus; quò securius viuimus ac indies magis magisque concitamus aduersum nos iram Dei, & iustum eius iudicium; quò artes simul ac vitia omnia sunt in summo loco posita: plerumq; enim fit, ut cum res ad summū deueni-
re, in proximo sit ruina. Cùm Theodosii tempore

artes omnes florerent, ac in omni doctrinarum genere essent homines excellenter docti, Theologi, Iureconsulti, Poëta: mortuis illis, sequebatur barbaries. & professiones pariter ac humaniores disciplinae ceperunt negligi, idemq; verendum ne accidat nostra hac tempestate. Sed & periculus, secundum quam ostendi fieri mutationes in Imperiis, eadē de re nos admonet: cumq; secum initio statim attraxerit mutationem magnam in religione, & distractionem animorum maximam inter homines: non obscure indicat, opinor, quid porro nobis expectandum sit, quemadmodum etiam eclipses & magnorum planetarum coniunctio. Nunquam enim sine illustri aliquo effectu fuerunt tales eclipses: & experientia testatur superiorum planetarum congressus in rebus humanis tantō maiores mutationes decernere, quāto tardior est illorū motus. Ceriō igitur statuamus imminere nobis varia & magna mala, eaq; ex vita nostra metiamur. Ut autem parum prodest agrotis, morbi quo laborans causas habere cognitas, nisi quoq; medicinam adhibeāt, qua causas illas tollant,

lant, vel saltem impediunt aliqua ex parte: sic non satis fuerit nobis nosse, quidnam minitentur ista sine exitu sine tempore, ut illa vocant, nisi etiam sciamus, qua ratione & modo futura pericula evitare possimus, aut ceriè aduersus ea nos munire, ne Stoici videamur, & inevitabilem quādam necessitatem in rebus humanis ponere, quā ne Ethnici quidem scriptores sapientes probarunt, ut Plato, Cicero & alii. Et quamuis Plato, ubi de mutationibus Imperiorum tractat, asserit eas fieri fato quodam, cum quinarium sesquialterum in generatione iunctus, duas efficit harmonias; nam ultra has naturam non posse progredi, quin gignat deinceps deteriores: non tamen de fato Stoico, aut de necessitate quādā absoluta loquitur, sed caelestem, arcānam & moralem causas coniungit in mutationibus Imperiorum, & vult aliquantisper gigni bonos ac praestantes gubernatores, quorum virtute Imperia conseruentur, deinde paulatim gigni alios nō ita praestantes, eorumq; negligentia Imperia iterum corruiere. At quemadmodum numerorum finis in natura ordinatus est,

cum planus numerus sit solidus; non enim sequuntur cubici, aut cum harmonia Musicali ventum est ad $\Delta\lambda\alpha\ \tau\alpha\sigma\omega\nu$, quæ sit iunctis $\Delta\lambda\alpha\ \nu\alpha\sigma\alpha\pi\omega\nu$ & $\Delta\lambda\alpha\ \tau\epsilon\tau\epsilon$: Sic (ait Plato) legibus fatalibus subinde ori-
 ri nova Imperia, ruentibus prioribus, præ-
 stantioribus scilicet, donec rursus fatali
 aliqua lege fiat instauratio; hoc est, affir-
 mat diuina providentia sic ordinatam es-
 se rerum simul ac hominum naturam, ut
 ruentibus prioribus Imperiis alia consti-
 tuantur, licet debiliora: quæ sententia pia
 est, nec à religione nostra abhorret. Ac
 multa certè traduntur passim ab eodem
 Platone præclare & sapienter, quibus vel
 personæ in Republica iuuari possunt, vel
 res, vel denique iudicia: explicatur et-
 iam, quomodo ratio habenda sit perso-
 narum ac rerum, iuxta Arithmeticam
 aut Geometricam proportionem, ne in-
 iustitia locus aliquis fiat, cum idem illa
 efficiat in Republ. quod in corpore hu-
 mano morbus. Traduntur & alia præ-
 cepta ab aliis, personis atque rebus inser-
 uientia, pro temporum ac locorum varie-
 tate, qualia multa peti possunt ex Thucy-
 didis

didis historia, ut cum στωικῶντις μὲν sua-
det aliquis in Repub. Cretensium, vel à
πρωσίας Thrasybulus in Atheniensium Re-
publ. & Chrysippus fertur integros libros
scripsisse de Reipubl. ad hominem collati-
one. Verum ut præclare, quod aiebam,
ac sapienter hæc atque alia dicuntur à vi-
ris summis, & rectè accommodatur com-
muni Reipubl. saluti, non tamen omni-
bus eius partibus malè affectis mederi pos-
sunt; quia causam ac radicem malorum
non tollunt. Est autem vera causa seu ai-
tía peccatum, quod in corrupta nostra
natura heret, quemadmodum antea ostē-
di. Hanc cum non agnoscat Plato aut a-
lii, nec fiant voluntatem irascentis Dei
aduersus peccatum, ignorant etiam quo
pacto is placari velit, ut pœnas impeden-
tes mitiget, humana sapientia nituntur
tantum, eaque existimant rem omnem ad
meliores statum reduci posse. Doctrina
autem celestis exclamat ruinas Imperio-
rum accersiri humanis furoribus, non
fato aliquo Stoico, aut inévitable aliqua
nécessitate, hæc ait esse atrociū scelerū pœ-
nas, & ut Syracides inquit, trāsferri im-

peria à gente ad gentem, propter iniustitiam ac dolos. *Quare audiamus illam doctrinam, nec præferamus ei nostras cogitationes ac cõsilia. Scriptum enim est, auxilium à Domino expectandum in tribulatione: & Prophetas omnes videmus populos illos, quibus interitum vel alioquin grauem aliquã calamitatem prædixerunt, non tam ad mœnia reficienda, construenda propugnacula, aut humana arte ac consilio infecta membra Reipub. sananda, hortatos esse, quàm ad agnitionem peccati, emendationem vitæ, & ad verã Dei veri inuocationem. Quemadmodum igitur totum hoc vniuersum partim à diuina mente, partim à necessitate est profectum: ita Respub. & Imperia duo præcipuè habent, quibus vel ab initio rectè constituuntur, vel morbo aliquo infecta sanantur, vel ruinam minitantia adiuvantur: Pietatem seu iustitiam, ac ea quæ humanis necessitatibus inseruiunt. Sed aliam, ut dixi, pietatem vel iustitiam tradit doctrina cælestis, aliam Ethnici scriptores. Atque ut mentis est illa longeque præstantior, quàm altera; ita quoque prior cura illius esse debet;*

debet: ea verò salua etiam externa iustitia rectè urgetur à politicis viris, & utraque coniuncta summo saepe adiumento fuit laborantibus Imperiis aut regnis. Neque enim Deus piorum preces non exaudit, nec prohibet, quò minus humanus quoq; consiliis utamur, modò ab eo petamus felicem eorum successum.

Primum itaque ac optimū remedium est laborantibus Rebus publicis, Imperiis aut regnis, ut agnito malorum omnium fonte, peccato scilicet, à Deo petatur auxiliū: Iustitia mentis restituatur tam in gubernatoribus, quàm in subditis, tollatur idololatria, & ita colatur Deus, quemadmodum ipse se verbo suo patefecit, alioqui SI DEEST AGNITIO ÆTERNÆ ET INCOMPARABILIS VERITATIS, FALSA VIRTUS EST IN MORIBVS. Proximum deinde huic, ut hi, quibus summa rerum est commissa, videant, quo consilio & ordine creator mundi Deus ex mente sua ac diuinitate, mūdum hunc vniuersum creārit, eodemq; exemplo tanquam minores Dii utantur in sanandis languidis Reipub. membris. Civilem

iustitiam restituant, & virtutes iustitia
coniunctas, Prudentiam, Fortitudinem,
Temperantiam. Sed quoniam notitia vir-
tutum mentibus nostris insita, una cum
natura nostra sunt corrupta, & in incultis
ac plebeis hominibus vis excitari que-
unt; satis fuerit, si in genere, quod a-
iunt, restituantur actiones harum virtu-
tum in Republica; nam ad perfectam il-
lam & primam rerum naturam respice-
re, atque ad illius præscriptum leges omnes
conformare velle, monstro simile est, &
ut nunc sunt homines, obtineri nullo pa-
cto potest. Quod ad veteres leges atti-
net, certum est, eas aliquando mutari de-
bere à prudentibus gubernatoribus, pro
ratione, temporis, locorum ac persona-
rum: sed nisi modestia quadam id fiat,
res est aequè periculosa, ac satius est inter-
dum errata legislatorum ferre, quàm cor-
rigere, quod mutatio legum tantam uti-
litatem non adferat secum, quantum mali,
hominesque paulatim assuefaciat non obe-
dire Magistratui. Cauendum præterea
est, ne inquietis ingeniis licentia detur præ-
textu quodam pietatis ferendi in vulgus
nouas

nouas opiniones, & debacchandi in quoslibet. Dicit enim non potest, quantum licentia illa mutuum amorem inter homines distrahat, & quàm multis seditionibus praebeat occasionem: Verùm magnam autoritate & unanimi consensu defendenda ea, quae cum expresso Dei mandato non pugnant, nec sine graui causa constituta sunt à maioribus nostris in religione ac politica. Adhortandi ciues ad concordiam, ut in cõmuni periculo communis sit deliberatio: à pũctis praefenda cõuersione uõ: Boni praeuius ac honoribus afficiendi, mali pœnis: Deniq, quem admodum in corpore humano aliter curatur caro, aliter intestina, aliter nerui, ita per omnia cauendum bonis gubernatoribus, ne vnã omnibus, sed singulis Reipubl. partibus ac membris peculiarem & conuenientem adhibeant curationem: & si non omnes, saltem praecipuas uitiorum fibras è Republica excindant. Quod quidem quã ratione fiat, eorum libri ostẽdunt, qui hac eadẽ de re praecepta tradiderunt; quae quàm necessariò hoc tempore urgeantur in Reipubl. no-

stra adeoque vniuerso Imperio Romano, omnes videmus, & multi boni viri deplorant.

Laboramus inter nos ipsos odio intestino, & diuersarum rerum studiis: cum vicinis nostris, si non aliā ob causam, certe de religione disceptamus: à Septemtrione Moschi ingulum nostrum petunt, homines Barbari, & ad idololatriam vsque superstitiosi: In Oriēte verò res nobis cum eo hoste est & tyranno, qui totius Asia ac Assyria, totius Aegypti regnique illius florentissimi Sultanicus dominus est; qui Graecorum Imperium tenet, Bulgariam, Vallachiam, Seruiam & Thraciā occupauit; Hungariam penè vniuersam vastauit, ac potissimam partem illius nobis eripuit. Quare si vita nostra & communis patria salus nobis chara est, nec malumus breui turpissimam seruitutem discordes, quàm libertatem cōcordes ferre; demus operam, ut, seposita omni simultate, unanimiter deinceps pugnemus aduersus communes hostes. Id si fecerimus, praesenti rerum statui rectè consulamus, neruum Reipubl. nostrae non leuiter laxatum atq; conuulsum.
iterum

sterum corroborabimus aliquātulum, & optimè merebimur de posteritate. Dabit etiam Deus felicem successum his conatibus nostris, cum autor sit pacis ac concordæ, ac ipsemet polliceatur opẽ se laturum his, qui fide firma eum innocant, & auxilium ab eo petunt in afflictiis rebus. Et quāquam nemo sanæ mentis negat, quin magna mala impendeant ceruicibus nostris, tamen potest ille, si vult, non solum mala illa pro clementia sua mitigare, verum quoq; omnino tollere, & aureū quoddam seculum restituere, in quo nos posterique nostri viuamus, donec dies eius adueniat. Non potest autem ille lōgè abesse hinc: nam, ut eruditè quidā scripsit ante annos 24. Omnes Monarchias incepisse videm⁹, cum cētrum excentrici Solis in aliquo insigni loco Epicycli fuit. Ut cum Solis esset maxima excentricitas paulò ante Christum natum, Romanum Imperiū ad Monarchiam declinauit: &, quemadmodum illa decreuit, ita & hoc tamquā consenscēs defecit, atq; adeò euauit. Cum peruenires ad quadrantem terminumq; mediocrem, lata est lex Mahometica, incepit itaque a-

liud magnum Imperium, & velocissimè
ad motu rationem crevit. Iam 100. annis,
cùm minima futura est excentricitas, hoc
quoq; Imperium suam conficiet periodum,
ut circa nostra tempora in summo sit fa-
stigio, à quo aequè velociter, Deo volente,
lapsu grauiore ruet. CENTRO VE-
RO EXCENTRICI AD ALTERVM
TERMINVM MEDIOCREM PER-
VENIENTE, SPERAMVS ADFV-
TVRVM DOMINVM NOSTRVM
IESVM CHRISTVM. NAM HOC
LOCO CIRCA CREATIONEM
MVNDI FVIT, &c. Siue igitur hæc ita
futura sunt, quemadmodum eruditè con-
iiciuntur, siue prius nos opprimeret piis o-
mnibus opratus iudicii dies, semper oran-
dus nobis est Deus, ut pœnas quas comme-
ruimus mitiget, excolenda disciplina mo-
rum & modestia: deniq; pro virili cuique
enitendum, ut re simul & consilio Respub.
collapsa iuuetur.

Cùm autem valdè prosit ad recta &
salubria consilia historie cognitio, propter
exempla, quæ inde peti possunt: Et transtu-
lissem ante annos duos ferè ex Italico ser-

monē

inone in Latinum, librum primum NICOLAI MACHIAVELLI de historia Florentina; in quo ille eleganter admodum & succinctè ostendit ruinam Imperii Romani per annos mille, ex Ruffino, Socrate, Euagrio, Cassiodoro, Procopio, Marcellino, Iornande, Platina, Sabellico, Blondo, Volaterrano, ac aliis probatis autoribus; volui illum auspiciis tuis dare in lucem, Illustrissime Elector: non equidem, ut exilem hunc laborem meum dignum arbitrer quem tibi viro Principi dedicem sed cum dicandus esset alicui putabam nulli potius offerendum quàm tibi; quod & optimus Princeps sis, & patria mee parens. Feliciter vale. Marpurgi Hassie, prid. Cal. Februarii. Anno Christi M D L X I V.

Cels. tuæ

subditus

HIERON. TYRLERVS I.D.



DE MIGRATIONIBVS

POPVLORVM SEPTENTRIONALIVM, post deuictos à Mario Cimbros:
& De Ruina Imperii Romani LIBER,
factus ex Italico sermone
Latinus.

SEPTENTRIONALES populi, qui vltra Rhenū & Danubium habitant, quoniam in regione populosa nascūtur, & quæ ærem habet saluberrimum, sæpe excrescunt in eam multitudinē, vt pars aliqua illorum patria relicta, nouas sedes nouaq; domicilia quærere cogatur: Quod cū faciunt, vniuersam multitudinem partiūtur in partes tres, quarum singulæ è nobilibus simul ac plebēis, è locupletibus item & egenis hominibus cōstant. Ex his partibus eā, quam fors definierit, emigrat, & fortunā suā experitur in quærendis nouis sedibus: reliquæ domi

domi remanent, & solæ perfruuntur patriæ commodis. Hæ igitur illarum gētium emigrationes, causa fuerunt ruinæ Imperii Romani. Sed occasionem ei rei dedere ipsimet Imperatores, qui relicta antiqua Imperii sede vrbe Romana, vbi Cōstantinopolis cœperunt habitare, partem occidentalem Imperii debilitarunt. Nā & ipsi deinceps negligentius eam administrarunt, & exposuerunt auaritiæ & rapinis cū præfectorum, tum etiam hostium. Vt autem euertetur tantum Imperium, sanguine & virtute præstātissimorum hominum partum, non equidem oportebat segnes & ignauos esse principes, infideles ministros, deniq; neq; inconstantes, neque animi abiecti eos, qui exitium illi machinarentur. Itaq; non vnius tantum, sed multorum populorum migrationes in perniciem eius conspirarunt. Verum ex Septentrionalibus populis, post deuictos à Mario Cimbros, primum omnium illud oppugnarunt Vestrogothi, seu

Causa & occasio ruinæ Imperii Romani.

Gothorum occidentalis irruptio.

Gothi occidentales, qui bello in cōfinib. moto, pace ac permissu Imperatorū, multis annis sedes suas habuerūt ad Danubiū. Et quanquā variis ex causis, sæpè & diuersis tēporibus bellum mouerint Imperio, fuere tamen semper repressi ab Imperatoribus: tandem gloriosissimè eos deuicit Theodosius: ita redacti sub illius potestate viuebant sine rege, & stipēdiis ac armis suis cōtenti, sub Imperio militabant. Cū autem è viuis excederet Theodosius, relictis Arcadio & Honorio filiis, heredibus quidē Imperii, virtutis autē & fortunæ nequaquam: omnis rerum status simul cum principe mutabatur. Erant tres Imperii partes tribus præfectis mādaturæ, Rufino Orientalis, Occidentalis Stiliconi, Gildoni Africana, qui mortuo Imperatore, partes illas non tam gubernabant, quàm ceu proprias possidebāt. Sed Gildo & Ruffinus in ipso statim initio gubernationis opprimebantur: Stilico egregius nequitia sue dissimulatio, in hoc vnū incūbebat,

ut gra-

*Theodosius
I. Imp.*

*Arcadius &
Honorius
Imp.*

vt gratiā nouorum Imperatorū sibi conciliaret, omnem tamē rerum statū perturbabat, quò facilius deinde ipse Imperio potiretur. Quò igitur Vestrogothos ab amicitia Imperatorum seiungeret, autor erat, ne stipēdia solita in posterum iis exoluerentur. Præterea, quoniam arbitrabatur eos solos non satis virium habituros; ad perturbandam tanti Imperii tranquillitatem, efficiebat vt Burgundi, Franci, Vandali, & Alani, populi item Septentrionales (qui etiam tum nouas sedes quærebant) prouinciis Imperii bellum inferrēt. Sic Vestrogothi stipendio priuati, vt iniuriam illatam vlciscerentur, Regem eligebant Alaricū, & hostiliter oppugnātes Imperium, post varios rerum euentus, depopulabantur vniuersam Italiam, urbemque Romā expugnabant. Hac victoria potitus Alaricus diē obit, cui succedebat Adaulphus, qui vxorē ducebat Placidiā, Imperatorū sororē: qua affinitate contracta, cōueniebat inter eos, vt Gallię simul

peria à gente ad gentem, propter iniustitiam ac dolos. *Quare audiamus illam doctrinam, nec præferamus ei nostras cogitationes ac cōsilia. Scriptum enim est, auxilium à Domino expectādum in tribulatione: & Prophetas omnes videmus populos illos, quibus interitum vel alioquin grauem aliquā calamitatem prædixerunt, non tam ad mœnia reficienda, construenda propugnacula, aut humana arte ac consilio infecta membra Reipub. sananda, hortatos esse, quàm ad agnitionem peccati, emendationem vite, & ad verā Dei veri inuocationem. Quemadmodum igitur totum hoc vniuersum partim à diuina mente, partim à necessitate est profectum: ita Respub. & Imperia duo præcipuè habent, quibus vel ab initio rectè constituuntur, vel morbo aliquo infecta sanantur, vel ruinam minitanti adiuantur: Pietatem seu iustitiam, ac ea quæ humanis necessitatibus inserviunt. Sed aliam, ut dixi, pietatem vel iustitiam tradit doctrina cœlestis, aliam Ethnici scriptores. Atq; ut mentis est illa longeque præstantior, quàm altera; ita quoq; prior cura illius esse debet;*

debet: ea verò salua etiam externa iustitia rectè vrgetur à politicis viris, & vtraque coniuncta summo saepe adiumento fuit laborantibus Imperiis aut regnis. Neque enim Deus piorum preces non exaudit, nec prohibet, quò minus humanis quoq; consiliis utamur, modò ab eo petamus felicem eorum successum.

Primum itaque ac optimū remedium est laborantibus Rebus publicis, Imperiis aut regnis, ut agnito malorum omnium fonte, peccato scilicet, à Deo petatur auxiliū: Iustitia mentis restituatur tam in gubernatoribus, quàm in subditis, tollatur idololatria, & ita colatur Deus, quemadmodum ipse se verbo suo patefecit, alioqui SI DEEST AGNITIO ÆTERNÆ ET INCOMPARABILIS VERITATIS, FALSA VIRTUS EST IN MORIBVS. Proximum deinde huic, ut hi, quibus summa rerum est commissa, videant, quo consilio & ordine creator mundi Deus ex mente sua ac diuinitate, mūdum hunc uniuersum creārit, eodemq; exemplo tanquam minores Dii utantur in sanandis languidis Reipub. membris. Ciuilem

iustitiam restituant, & virtutes iustitiæ coniunctas, Prudentiam, Fortitudinem, Temperantiam. Sed quoniam notitia virtutum mentibus nostris insitæ, unâ cum natura nostra sunt corrupta, & in incultis ac plebeis hominibus vis excitari queunt; satis fuerit, si in genere, quod adiunt, restituantur actiones harum virtutum in Republica; nam ad perfectam illam & primam rerum naturam respicere, atque ad illius præscriptum leges omnes conformare velle, monstro simile est, & ut nunc sunt homines, obtineri nullo pacto potest. Quod ad veteres leges attinet, certum est, eas aliquando mutari debere à prudentibus gubernatoribus, pro ratione temporis, locorum ac personarum: sed nisi modestia quadam id fiat, res est aequè periculosa, ac satius est interdum errata legislatorum ferre, quàm corrigere, quod mutatio legum tantam utilitatem non adferat secum, quantum mali, hominesque paulatim assuefaciat non obedire Magistratui. Cauendum præterea est, ne inquietis ingeniis licentia detur prætextu quodam pietatis ferendi in vulgus
novas

*nouas opiniones, & debacchandi in quolibet. Dicit enim non potest, quantum licentia illa mutuum amorem inter homines distrahat, & quàm multis sediti-
onibus praebeat occasionem: Verùm magna cum autoritate & unanimi consensu defendenda ea, quae cum expresso Dei mandato non pugnant, nec sine graui causa constituta sunt à maioribus nostris in religione ac politia. Adhortandi ciues ad concordiam, ut in cõmuni periculo communis sit deliberatio: à uicijs præferenda cõmportatio: Boni præmijs ac honoribus afficiendi, mali pœnis: Deniq; quemadmodum in corpore humano aliter curatur caro, aliter intestina, aliter nerui, ita per omnia cauendum bonis gubernatoribus, ne vnā omnibus, sed singulis Reipubl. partibus ac membris peculiarem & conuenientem adhibeant curationem: & si non omnes, saltem præcipuas uitiorum fibras è Republica excindant. Quod quidem qua ratione fiat, eorum libri ostēdunt, qui hac eadē de re præcepta tradiderunt; quae quàm necessariò hoc tempore urgeantur in Reipubl. no-*

stra adeoque vniuerso Imperio Romano, omnes videmus, & multi boni viri deplorant.

Laboramus inter nos ipsos odio intestino, & diuersarum rerum studiis: cum vicinis nostris, si non aliā ob causam, certe de religione disceptamus: à Septemtrione Moschi ingulum nostrum petunt, homines Barbari, & ad idololatriam vsque superstitiosi: In Oriēte verò res nobis cum eo hoste est & tyranno, qui totius Asia ac Assyria, totius Aegypti regnique illius florentissimi Sultanici dominus est; qui Graecorum Imperium tenet, Bulgariam, Vallachiam, Seruiam & Thraciā occupauit; Hungariam penè vniuersam vastauit, ac potissimam partem illius nobis eripuit. Quare si vita nostra & communis patriae salus nobis chara est, nec malumus breui turpissimam seruitutem discordes, quàm libertatem cōcordes ferre; demus operam, ut, seposita omni simultate, vnanimiter deinceps pugnemus aduersus communes hostes. Id si fecerimus, praesenti rerum statu rectè consulamus, neruum Reipubl. nostrae non leuiter laxatum atq; conuulsum,
iterum

iterum corroborabimus aliquātulum, & optimè merebimur de posteritate. Dabit etiam Deus felicem successum his conatibus nostris, cum autor sit pacis ac concordiae, ac ipsemet polliceatur opẽ se laturum his, qui fide firma eum innocant, & auxilium ab eo petunt in afflictis rebus. Et quāquam nemo sanæ mentis negat, quin magnā mala impendeant cervicibus nostris, tamen potest ille, si vult, non solum mala illa pro clementia sua mitigare, verum quoq; omnino tollere, & aureū quoddam seculum restituere, in quo nos posteri-que nostri viuamus, donec dies eius adueniat. Non potest autem ille longè abesse hinc: nam, ut eruditè quidā scripsit ante annos 24. Omnes Monarchias incepisse videm⁹, cum cẽtrum excentrici Solis in aliquo insigni loco Epicycli fuit. Ut cum Solis esset maxima excentricitas paulò ante Christum natum, Romanum Imperiũ ad Monarchiam declinavit: &, quemadmodum illa decreuit, ita & hoc tamquā consenscẽs defecit, atq; adeò euauit. Cum perueniret ad quadrantem terminumq; mediocrem, lata est lex Mahometica, incepit itaque a-

liud magnum Imperium, & velocissimè
ad motus rationem crevit. Iam 100. annis,
cum minima futura est excentricitas, hoc
quoq; Imperium suam conficiet periodum,
ut circa nostra tempora in summo sit fa-
stigio, à quo aequè velociter, Deo volente,
lapsu grauiore ruet. CENTRO VE-
RO EXCENTRICI AD ALTERVM
TERMINVM MEDIOCREM PER-
VENIENTE, SPERAMVS ADFV-
TVRVM DOMINVM NOSTRVM
IESVM CHRISTVM. NAM HOC
LOCO CIRCA CREATIONEM
MVNDI FVIT, &c. Siue igitur hæc ita
futura sunt, quemadmodum eruditè con-
iiciuntur, siue prius nos opprimeret piis o-
mnibus opratus iudicii dies, semper oran-
dus nobis est Deus, ut pœnas quas comme-
ruimus mitiget, excolenda disciplina mo-
rum & modestia: deniq; pro virili cuique
enitendum, ut re simul & consilio Respub.
collapsa iuuetur.

Cum autem valdè profit ad recta &
salubria consilia historie cognitio, propter
exempla, qua inde peti possunt: & translu-
tissem ante annos duos ferè ex Italico ser-
mone

mone in Latinum, librum primum NICOLAI MACHIAVELLI de historia Florentina; in quo ille eleganter admodum & succinctè ostendit ruinam Imperii Romani per annos mille, ex Ruffino, Socrate, Euagrio, Cassiodoro, Procopio, Marcellino, Iornande, Platina, Sabellico, Blondo, Volaterrano, ac aliis probatis autoribus; volui illum auspiciis tuis dare in lucem, Illustrissime Elector: non equidem, ut exilem hunc laborem meum dignum arbitrer quem tibi viro Principi dedicem sed cum dicendus esset alicui putabam nulli potius offerendum quàm tibi; quod & optimus Princeps sis, & patriæ meæ parens. Feliciter vale. Marpurgi Hassiæ, prid. Cal. Februarii. Anno Christi M D L X I V.

Cels. tuæ
subditus

HIERON. TYRLERVS I.D.



DE MIGRATIONIBVS

POPVLORVM SEPTENTRIONALIVM, post deuictos à Mario Cimbros:
& De Ruina Imperii Romani LIBER,
factus ex Italico sermone
Latinus.

SEPTENTRIONALES populi, qui vltra Rhenū & Danubium habitant, quoniam in regione populosa nascūtur, & quæ aërem habet saluberrimum, sæpe excrescunt in eam multitudinē, vt pars aliqua illorum patria relicta, nouas sedes nouaq; domicilia quærere cogatur: Quod cū faciunt, vniuersam multitudinem partiūtur in partes tres, quarum singulæ è nobilibus simul ac plebēis, è locupletibus item & egenis hominibus cōstant. Ex his partibus eā, quam fors definierit, emigrat, & fortunā suā experitur in quærendis nouis sedibus: reliquæ domi

domi remanent, & solæ perfruuntur patriæ commodis. Hæ igitur illarum gētium emigrationes; causa fuerunt ruinæ Imperii Romani. Sed occasione ei rei dedere ipsimet Imperatores, qui relicta antiqua Imperii sede vrbe Romana, vbi Cōstantinopoli cœperunt habitare; partem occidentalem Imperii debilitarunt. Nā & ipsi deinceps negligentius eam administrarunt; & exposuerunt auaritiæ & rapinis cum præfectorum, tum etiam hostium. Vt autem euerteretur tantum Imperium; sanguine & virtute præstātissimorum hominum partum, non equidem oportebat segnes & ignauos esse principes, infideles ministros, deniq; neq; inconstantes, neque animi abiecti eos, qui exitium illi machinarentur. Itaq; non vnus tantum, sed multorum populorum migrationes in perniciem eius conspirarunt. Verum ex Septentrionalibus populis, post deuictos à Mario Cimbros, primum omnium illud oppugnarunt Vestrogothi, seu

Causa & occasio ruinæ Imperii Romani.

Gothorum occidentali-um irruptio.

Gothi occidentales, qui bello in cōfinib. moto, pace ac permissu Imperatorū, multis annis sedes suas habuerūt ad Danubiū. Et quanquā variis ex causis, sæpè & diuersis tēporibus bellum mouerint Imperio, fuere tamen semper repressi ab Imperatoribus: tandem gloriosissimè eos deuicit Theodosius: ita redacti sub illius potestate viuebant sine rege, & stipēdiis ac armis suis cōtenti, sub Imperio militabant. Cū autem è viuis excederet Theodosius, relictis Arcadio & Honorio filiis, heredibus quidē Imperii, virtutis autē & fortunæ nequaquam: omnis rerum status simul cum principe mutabatur. Erant tres Imperii partes tribus præfectis mādaturæ, Rufino Orientalis, Occidentalis Stiliconi, Gildoni Africana, qui mortuo Imperatore, partes illas non tam gubernabant, quàm ceu proprias possidebāt. Sed Gildo & Ruffinus in ipso statim initio gubernationis opprimebantur: Stilico egregius nequitia suæ dissimulatore, in hoc vnū incubebat,

vt gra-

*Theodosius
I. Imp.*

*Arcadius &
Honorius
Imp.*

vt gratiã nouorum Imperatorũ sibi conciliaret, omnem tamẽ rerum statũ perturbabat, quò facilius deinde ipse Imperio potiretur. Quò igitur Vestrogothos ab amicitia Imperatorum seiungeret, autor erat, ne stipendia solita in posterum iis exoluerentur. Præterea, quoniam arbitrabatur eos solos non satis virium habituros; ad perturbandam tanti Imperii tranquillitatem, efficiebat vt Burgundi, Franci, Vandali, & Alani, populi item Septentrionales (qui etiam tum nouas sedes quærebant) prouinciis Imperii bellum inferrẽt. Sic Vestrogothi stipendio priuati, vt iniuriam illatam vlciscerentur, Regem eligebant Alaricũ, & hostiliter oppugnãtes Imperium, post varios rerum euentus, depopulabantur vniuersam Italiam, urbemque Romã expugnabant. Hac victoria potitus Alaricus diẽ obit, cui succedebat Adaulphus, qui vxorẽ ducebat Placidiã, Imperatorũ sororẽ: qua affinitate contracta, cõueniebat inter eos, vt Galliẽ simul

*Gensericus
Vandalorum
Rex.*

& Hispaniæ provinciis opem ferret, quæ à Vandalis, Francis, Burgundis, & Alanis erant occupatæ, propter causas suprà recitatas. Ac Vandali quidam ex Hispania Bætica eiectione per Vestrogothos, in Africam vocabantur à Bonifacio, eius regionis præside; qui cum rebellis fuisset Imperatori Romano, metuebat ne machinationem istam suam Imperator rescisceret: Ideoque faciliores erant Vandali ad illius preces, ac duce Genserico Africam occupabant.

*Theodosius
II. Imp.*

Successerat interea in Imperio Theodosius, Arcadii filius: is cum exiguam admodum curam haberet rerum occidentalium, spem maximam faciebat deuastatoribus istis, retinendi provincias, quas occupauerant. Itaque in Africa Vandali, in Hispania Vestrogothi regna sibi constituebant: Franci & Burgundi non modò Galliam omnem tenebant, verum etiam regiones quas occupauerant, suo nomine appellabant, alteram Frāciam, alteram Burgundiam. Porro horum popu-

*Francia.
Burgundia.*

populorum felix ac fortunatus successus, nouam deuastationem peperit Imperio : Nam alii populi, quos Hunnos appellant, occupabant Pannoniam regionem ad Danubium sitam, quam etiamnum hodie vocamus Hungariam: Imperator verò ex omni parte oppugnatus, quò pauciores haberet hostes, nunc cum Vandalis, nunc cum Francis pacem inibat: Quæ res vires & potentiam Barbarorum adaugebat, Imperii imminuebat. Nec verò Britannia insula, *Anglia.* quæ *Anglia* hodie est, tuta erat ab eiusmodi incursionibus. Nam cum Britones sibi timerent ab iis, qui Fraciam occupauerant, & viderent se ab Imperatore iuuari non posse, Anglos Germaniæ populos in auxilium vocabant, qui etiam Rege & Duce Votigerio, patrocinium illorum suscipiebant. Ac primum quidem defendebant eos, deinde expellebant ex ea insula, ipsi eam occupantes, & suo nomine Angliam appellabant. Sic eiecti è patria Britones, necessitate fe-

*Britannia.**Gothorum
Orientalium
irruptio.**Attila Hun-
norum Rex*

rociores reddebantur. Ac licet proprias sedes defendere non potuissent, spem tamen optimam concipiebant de alienis potiundis. Itaque traiecto mari, cum vniuersa familia, vicina litoris loca occupabant, vocabantque ex nomine suo Britanniam. Sed & Hunni, qui, ut supra dictum est, Pannoniam occupauerant, Gepidis, Herulis, Turingis & Ostrogothis, seu Gothis orientalibus se adiungebant, atque iterum querebant nouas sedes, cumque Franciam occupare non possent, quod illa se egregie tutaretur aduersus vim Barbarorum: impetum faciebant in Italiam, Attila duce, qui ut solus potiretur regno, paulo antè interfecerat fratrem Germanum, Bledam nomine, eoque ex parricidio factus erat potentissimus. Reliqui, ut Audaricus Gepidarum, & Valamir Gothorum Orientalium Rex, subditi magis eius erant in eo negotio quam socii. Italiam ingressus Attila Aquileiam obsidebat toto biennio, & depopulabatur omnem agrum vicinum,

nū, incolis eiectis, quæ res vrbi Venetæ initiū dedit, vt inferi' dicemus. Pottitus Aquileia multisq; aliis ciuitatibus, Romam se conferebat cū exercitu: sed exoratus precibus Pontificis Maximi, nihil damni dabat vrbi; quinetiam tanti apud eum valebat illius autoritas, vt Italia relicta, rursum sese in Austriam reciperet, vbi tandem expirauit. Eo vita defuncto, Valamir Ostrogothorū Rex, & aliorum populorum principes, bellum mouebāt filiis Attilæ, Tetrico & Eurio, interfectoq; altero illorum, eò alterum redigebant, vt cum Hunnis suis flumen Danubii traicere & in patriā sese recipere cogeretur. Pānonia ab Ostrogothis occupabatur, Gepidi, Heruli ac Turingi ad ripam Danubii confidebant. Iam verò liberata Italia ab Attila, vnum hoc agebat Valētinianus Imperator, vt in pristinum statū eam reduceret: quod quò rectius efficere posset, & vt commodius eā defenderet ab incursionibus barbarorum, relicta vrbe Roma, Ra-

*Valamir
Gothorum
Rex.*

*Valentinianus
Imp.*

uēnam transferebat Imperii sedem. Omnium igitur malorum, & ruinæ Imperii Occidentalis, causa & occasio fuit, quòd Imperatores Constantinopoli habitantes sæpè illud aliis concesserant gubernandum, utpote rem difficilem factu, & quæ sumptus maximos requireret; Sæpè etiam ciues Romani inter se ipsi creabant Imperatorem, quando videbāt aliorum auxilio se destitutos: Sæpè aliquis illorum propria autoritate usurpabat sibi titulum Imperatoris, ut Maximus post mortem Valentiniani, qui etiam Eudoxā demortui Imperatoris vxorem cogebat, ut sibi nuberet; quare illa cōmota ut eam iniuriam vlcisceretur, cum ex Imperatoria stirpe esset prognata, ac priuati hominis coniugium ferre non posset, Gensericum accersebat in Italiam, Vandalorum & Africæ Regem, monstrabatque ei quàm facile sit regione illa potiri, quàm item utile & commodum. Hac præda pellectus Gēsericus, impetum faciebat in
eam,

*Maximus
Imp.*

cam, & urbem Romam omni defensione ac patrocinio destitutam spoliabat, mansitq; in ea per dies 14. Occupabat præterea multa alia Italiæ loca, post spoliis opimis onustus, reuertebatur in Africam. Ciues qui ex urbe aufugerant, rursus sese in eam recipiebant, & Maximo interfecto, Imperatorem creabant, Auitum nomine. Quæ omnia dum partim in ipsa Italia, partim extra eam geruntur, post multos & varios casus, & post multorum Imperatorum mortem, deuoluebatur Imperium Constantinopolitanum ad Zenonem: Romanum, ad Orestem & Augustulum filium Orestis. Sed hi fraude & dolo occupabant illud, cumq; vi conarentur retinere Heruli & Thuringi (quos dixi mortuo Attila ad Danubii ripam consedisse) cõfœderati, duce Odoacro impetum in Italiam faciebant, & quæ illi non occupabant loca, ea Longobardi populi quoque Septentrionales, iussu & stipendiis Godoglii regis sui subigebant, fueruntq; vltima

*Auitus
Imp.*

*Orestes ac
Augustulus
Imp.*

*Odoacer
Rugianus*

Italiæ pestis, quemadmodum suo loco dicemus. Odoacer vbi in Italiam venit, prælio vincit Orestem, eumq; interficit ad urbem Ticinū, Augustulum coniicit in fugā. Ea victoria potius, ut urbis Romæ nomē simul cum potentia mutaret, neglecto Imperii titulo, Romæ & Italiæ Rex appellari volebat, ac primus omnium inhabitabat Italiam, ex earū gentium principibus, quæ tum vagabātur in orbe, atq; novas sedes quærebāt, alii depopulati tantum fuerant, quia animaduvertebant facilè eā defendi posse ab Imperatoribus Oriētalibus, vel aliam fortasse ob causam, post in alia loca se receperāt, in quibus ipsi quoq; tuto & tranquillè commorarentur. Ad eum modum seruiebat vetus Imperii Romani dignitas & splendor, principibus exteris. Ac Zeno quidē Orientale imperium tenebat; Ostrogothi Mysiam & Pannoniam; Vestrogothi, Sueui, & Alani, Cascouiam & Hispaniam; Vādali Africam; Franci & Burgundi Franciam; Heruli & Turingi Italiam.

Per-

Peruenerat autem regnū Ostrogothorum ad Theodoricum nepotē Valamiris, qui cum Zenoni esset amicus, per literas ei significabat, rem indignam videri suis Ostrogothis, nullam admodū aut exiguā rationē illorū haberi in Imperio, cum & virtute & re bellica alios longē antecellerēt, nec posse illos sese intra limites Pannoniæ continere. Itaq; cum, quēadmodum eos cohiberet, rationem nō inueniret, quominus novas sedes quærerēt, suadere se illi, vt rebus suis consulat, & regionem aliquam cōcedat, in qua honorificē & cū venia ipsius habitent. Tū Zeno partim metu, partim vt Odoacrū ex Italia eiiceret, permittebat Theodorico bellum alteri moueret, & ipse occuparet Italiā. Ille igitur relictis in Pānonia Gepidis amicis, vbi in Italiam venit, Odoacrū simul cū filio interficiebat, eiusq; exemplo sumebat sibi titulū regis Italię, sede regia in vrbe Rauēna cōstituta, eadē ex causa qua Valētinian⁹ Imperator. Fuit hic Theodoric⁹ vir egre

*Theodoricus
Gothorum
Rex.*

gius in sago pariter & toga: Nam & felicissimus erat in bello, & optimè prospiciebat subditis. Dispertiebatur etiam ad eum modum Ostrogothos suos, cum illorum præfectis, ut & belli tempore imperare iis posset, & pacis, si opus esset, eos in officio continere. Urbem Rauennam amplificabat, Romam instaurabat, omnibus pristinae dignitatis titulis restitutis ciuibus, vna militari disciplina excepta. Arcebat præterea sola autoritate sua Reges barbaros, Imperii hostes, deniq; munitiones aliquot construebat intra fauces Alpium ac maris Adriatici, ut omnem occasionem irruendi in Italiam nouis barbaris intercluderet, Ac nisi ille tot egregias virtutes, quibus præditus erat, contaminasset crudelitate, cum suspectos haberet nonnullos affectati regni (quemadmodum Symmachii & Boëtii innocentissimorum hominum mors & interitus ostēdit) digna me hercule erat eius memoria summa & perpetua laude. Non modo e-

dō enim urbem Romam & Italiam
 vniuersam, verum ceteras quoq; pro-
 uincias Imperii occidentalis à conti-
 nuis illis barbarorum incursionibus,
 quas tot annis à tam immani collu-
 uie illorum sustinuerant, liberauerat
 virtute & probitate sua, & in ordinē
 statumq; satis felicē reduxerat. Cer-
 tē si quæ vnquam tempora misera &
 calamitosa fuerunt Italiæ, atque aliis
 prouinciis, quæ à barbaris vexaban-
 tur, fuere illa, ab Arcadio & Hono-
 rio ad hunc vsq; *Nam si quis perpen-* *Mutatio in*
dat, quàm perniciosum sit Rebusq; aut re- *Imperiis pe-*
gnis, mutare principes formamq; guber- *riculosa.*
nationis, non ob extraneam aliquam po- *“*
tentiam vel vim, sed ob leuem aliquam *“*
discordiam & simultatē, videatq; quàm *“*
vel exigua aliqua mutatio nocere possit, *“*
quantumuis potentissimis opulentissimis- *“*
que, facile intelliget, quantū mali eo tem- *“*
pore Italia, aliq; prouincia Imperii Ro- *“*
mani sint perpeſſæ, cū non solum for- *“*
nam gubernationis mutarunt, verum- *“*
etiam leges, instituta, mores, religionem, *“*
linguam, vestitum, nomina, quæ vel sin-

*„gula per se fortissimum quemque moue-
„repossent, si audiat ea facta esse, nedum
„si videat, aut ipse experiatur. Fuit præ-
terea hæc perturbatio rerum multis
ciuitatibus exitio, multis causa vt ex-
truerentur, multis deniq; vt amplia-
rentur, fierentq; opulentiores. Inter
cas quæ deuastabatur, erat Aquileia,
Luna, Clusium, Populonia, Fesula,
aliæque multæ. Quæ à nouo extrue-
batur, Venetiæ, Sena, Ferraria, Aquila,
multæque alię ciuitates & oppida,
quę breuitatis causa omitto. Quæ
amplissimæ & potētissimę sunt factæ,
Florētia, Genua, Pisæ, Mediolanum,
Neapolis, Bononia, quibus omnibus
vrbis Romæ reparatio annumerari
potest, pluresq; aliæ ciuitates, quæ
nunc deuastatæ fuerunt, nunc reæ-
dificatæ. Nata etiā est ab istis exteris
noua & inusitata lingua, quemadmo-
dum certū est, linguam, qua vel Gal-
li & Hispani, vel Itali nunc vtuntur,
factam esse ex antiqua illa Romana,
& ea qua Barbari isti vtebantur. Nec
verò prouinciarum tantum nomina
fuere*

fuere mutata, sed etiam stagnorū, flu-
 minum, marium & hominum: estq;
 Gallica simul & Italica ac Hispani-
 ca lingua, refertissima huiusmodi
 nouis ac peregrinis rerum vocabulis,
 quæ prorsus ignorauit antiquitas.
 Atque ut alia infinita propemo-
 dum omittam, videmus hoc in voca-
 bulo Po, Garda, Archipelago, qui-
 bus longè alia in significatione vsi
 sunt veteres. Sic loco Cæsarem &
 Pompeiorū, habemus Petros, Ioan-
 nes, Matthæos. *Omniū verò maximè*
deploranda est religionis mutatio. Vbi e-
rim consuetudo religionis veteris pugnat
cum miraculis recentis aut nouæ, fieri non
potest, quin grauissimæ dissensiones orian-
tur inter homines. Et licet tranquillus
 fuisset stat⁹ religionis Christianæ, nō
 tamē defuissent alię dissensiones: Sed
 cū etiam inter se contēderent, Eccle-
 sia Romana, Græca, & Rauennensis,
 præterea sectæ hereticorum cum Ca-
 tholicis, non mirū si ea res perturba-
 tionē maximā peperit in vniuerso or-
 be. Testis est eius rei Africa, quæ plus

*Schismata
& hæreses.*

mali & incommodi capiebat è secta Arriana, qua infecti erant Vandali, quàm vel ab avaritia eorundem, vel crudelitate iis innata. Igitur in tanta rerum confusione & tumultu, omnium animi metu maximo erant percussi. Præterquam enim, quòd nullus esset finis ciuiliùm malorum, in plurimis etiam studium religionis extinguebatur, & vera Dei inuocatio, in qua tamè aliàs affliti omnes spem suam & fiduciam ponere solèt. Nam & propter dissensionem in religione, incerti erant inulti, quẽ nam Deum inuocarent, & diuino pariter ac humano auxilio destituti, miserrimè vitam cum morte commutabāt. Quare, vt antè dixi, laudem maximam meretur Theodoricus, quòd primus omnium remedium adhibuerit huic malo, & in eum statum reduxerit Italiam iis xxxvii. annis, quibus ei imperauit, vt ex ruinis omnibus, & deuastatione, qua barbari eam affecerāt, vix amplius vestigium aliquod conspici in ea posset.

At ve-

*Attalaricus
Gothorum
Rex.*

At verò eo mortuo, cùm ei succederet in gubernatione Attalaricus, nepos ex filia Amalosuintha, paucos post annos ad priorem statum reuertebantur res Italiæ, nondum etiam adhuc satis confirmatæ recenti fortuna ac felicitate. Nam & Attalaricus paulò post auum moriebatur, & mater in eo regno succedens trucidabatur à Theodato, quem ideo accefferat in aulam, ut ope & consilio ipsius in gubernatione vteretur. Itaq; hic, quod & regina è medio sublata fuerat, & ipse se gereret pro rege, exosus Ostrogothis, occasionem præbebat Iustiniano eiiciendi ipsum ex Italia, eamq; ad rem Belisarium constituebat ducem Iustinianus, qui Africam antea deuicerat, restitueratq; Imperio, Vandalis eiectis. Ac principio quidem Siciliam occupabat Belisarius, indè Italiam ingressus, Romam simul ac Neapolim. Ea re intellecta Gothi Theodatum interficiebant, causam nimirum tanti mali, & Vitigem subrogabant in illius locum, qui

*Iustinianus
Imp.*

*Vitiges
Gothorum Rex.*

& ipse post cōflictus aliquot, obfessus à Belisario, Rauennæ in illius veniebat potestatem. Vix autem potitus erat hac victoria Belisarius, cum Iustinianus eum reuocat, subrogatis ei Ioanne & Vitali, admodum dissimilibus priori: siue de virtute loquamur, siue de moribus, aut fortuna. Quapropter animum recolligebant Gothi, & rursus ex se eligebant Regem Ildoadum vrbis Veronæ præfectum: quo similiter interfecto, succedebat in illo regno Totila. Hic rupto exercitu Imperatoris, Tusciam ac Neapolim recuperabat, iterumq; certis suis præfectis distribuebat loca, quæ Belisarius occupauerat. Cogebatur itaq; Iustinianus Belisarium nouo cum exercitu in Italiam remittere; verum cum is infirmus admodum esset, plus obscurabat eo Belisarius gloriam & authoritatem antea partam, quàm vt nouam aliquam sibi cōpararet: namq; Ostiæ confederat, cum eo inuito & conspiciente quodammodo urbē Romam Totila expugna-

*Ildoadus
Gothorum
Rex.
Totila Go-
thorum Rex.*

IMPERII ROMANI. 51

pugnaret. Et quamuis captam iam
difficulter relinqueret, tamen quia
desperabat eā se retinere posse, deu-
astata ea maxima ex parte, eiectisq; in-
de hominibus plebeis, & senatori-
bus secum adductis, nihil metuens
Belisarium, in Calabriam exercitum
suum ducebat, vt copias, quæ è Græ-
cia auxilio veniebant hosti, impedi-
ret. Romam præfidiis desertam Beli-
sarius occupabat, mœnia reficiebat,
ciues qui vel ipsi inde aufugerant,
vel eiecti erant, in eā reuocabat. Sed
statim aduersabatur fortuna tam lau-
dabili eius cœpto: reuocabatur enim
à Iustiniano, cui Parthi mouerant
bellum, & Italia egressus cogeatur
eam Totilæ relinquere, à quo ite-
rum occupabatur vrbs Romana,
licet non ita deuastaretur vt antea,
imò aliqua ex parte instauraretur.
Tantum nimirum valebant apud
eum preces Benedicti Abbatis, qui
tum maximam habebat opinionem
sanctitatis. Interea pacē faciebat cum
Parthis Iustinian⁹, vt Italię succurre-

ret, sed impediēbatur à Sclauis, quominus id pręstare posset, nouis populis Septentrionalibus, qui traiecto Danubio Illyriam simul, ac Thraciam bello infestabant, & Totila vniuersę propemodum Italię imperabat.

Teias Gothorum Rex.

Mittebatur deinde à Iustiniano, post deuictos Sclauos, in Italiã Narses eunuchus, homo exercitatissimus in re militari. Hic cum Totilam in pugna interfecisset, quę ex Gothis manserant reliquię, Ticinum se recipiebant, & Teiam quendam constituēbant Totilę successorem. Hac victoria potitus Narses, urbē Romam recuperabat, post commissā ad Nuceriā pugna, Teiam quoque interemit, cæso fugatoq; illius exercitu. Ita prorsus extinguebatur nomē Gothorum in Italiā, in qua illi à Theodorico ad Teiam vsq; annis lxx. regnauerant. Vix autem liberata erat à Gothis, cum Iustinianus quoq; diē suum obibat, relicto filio Iustino hærede & successore in Imperio, qui Sophiæ vxoris suę consilium secutus, Narsen

Iustinus Imp.

Narsen ex Italia reuocans, Lōginum in illius locum subrogabat. Habebat is Rauennæ suam aulam, antecessorum exemplo, ac nouam formam administrationis constituere in vniuersa Italia: neq; enim prouinciis tantū certos imponebat præfectos, quē admodum Gothi fecerant antea, verum singulis quoq; ciuitatibus & locis præstantioribus, quos duces appellabat, nec pluris faciebat urbem Romam in ea distributione, quā aliam quamcunq;. Abrogabat consules & Senatum, qui tamen semper manserat in ea vrbe, ac ducem quendam in illius locum substituebat, quē singulis annis Rauennā missum eò, *ducē Romanum* appellari volebat, sicuti alium qui Rauennæ commorabatur, & vniuersæ Italiæ præerat, *Exarchum*. Verum enimvero plus obe- rat Italiæ, quā proderat hæc gubernandi forma: Nam & occasionem dabat Longobardis, vt eò facilius eam occuparent, & auferebatur ab illa ratio gubernandi longè pulcherrima,

morte ac virtute multorum hominum comparata. Deniq; non satis erat Sophiæ, vt Narsen ex ea reuocaret, sed domū reuersum probris quoque afficiebat, dicens, ideo se eum reuocasse, vt ipse quoq; cum cæteris Eunuchis fila colūq; traheret. Quare ira percitus Narses, Alboino Longobardorum Regi, Pannoniam eo tempore tenenti, autor erat, vt ipse Italiam occuparet: Nam vt superius dictum est, confederant Longobardi iis in locis ad Danubium, quæ ab Herulis & Turingis derelicta erant, cum sub O Ioacro illorum Rege militarent in Italia. Iamq; ea inhabitauerant ad huius Alboini vsq; gubernationem, hominis ferocissimi audacissimiq;, vbi Danubio traiecto bello superabant Cunimundum Gepidarum Regem, Pannoniam tenentem: cumq; etiam Rosimūda Cunimundi filia prædę loco iis contigisset, in vxorē eam ducebat Alboinus, simulq; Pannonia potiebatur. Erat is, vt dixi, natura admodum ferox,

*Alboinus
Lōgobardorum
Rex.*

ferox, & motus ea ferocia, poculum faciebat è craneo capitis Cunimundi, è quo biberet deinceps in memoriam partæ de illo victoriæ. Vocatus igitur à Narsete Alboinus, cuius amicus fuerat bello Gothico, relicta Pannonia Hunnis, (qui, vt suprà dixi, Attila demortuo in prouinciam hanc, patriam nimirū, erant reuersi) & Italiā ingressus intestino bello laborantem, & in factiones scissam, illicò potiebatur Ticino, Mediolano, Verona, & Vicentia, præterea vniuersa Thuscia, ac bona parte Flaminia, quam Romandiolā hodie vocāt. Et quoniam persuasum illi erat, tota iam Italia se potiri, regium conuiuium instituebat in vrbe Verona; in quo cum benè potus esset, ex nimia ingurgatione, uxori Rosimundæ, quæ è regione sumebat cibū, craneum Cunimundi vino repletū perferri iubet, & addit (ita vt exaudiri ab ea posset) velle se, vt in tanta omnium hilaritate & lætitia, ipsa quoque bibat cum suo patre. Hac voce quasi

vulnus infligebatur pectori Rosimunda, deliberat igitur, quo pacto iniuriam tam grauem vlcisceretur. Cumque sciret nobilem quendam Longobardum, cui Helmechildi erat nomen, iuuenem & ferocem, vnam expedissequis suis amare, agebat cum eadem, astu efficeret, vt Helmechildis loco ipsius rem secum haberet: Quod cum fecisset, & iuuenis in eum locum, quem ei pedissequa designauerat, venisset, cum Regina concubuit, quod & locus obscurus esset, & ancillam eam esse arbitraretur: Sic regina illius amore potita, omnem eirem & consilium aperiebat, ostendens quam in illius manu sit positum, vt interfecto Alboino se simul ac regno potiretur: sin aliter faciat, fore vt ipse interficiatur ab Alboino, & stupri illati poenas persoluat. Gerebat morem reginae Helmechildis, & Alboinum interficiebat: sed cum videret regno se potiri non posse, & metueret ne vicissim obtruncaretur à Longobardis, quibus admodum charus fuerat

fuerat Alboinus, collecto omni regio thesauro, Rauennam confugiebat, vnà cum vxore adultera ad Longinum, à quo honorificentissimè excipiebatur. Iam verò diem suum obierat Iustinus Imperator, & Tiberius, *Tiberius Imp.* qui in locum illius successerat, bello Parthico impediabatur, quo minus Italia opem ferret. Itaq; Longinus, ratus occasionem sibi oblatam potiundi thesauro illo & toto regno Longobardorum, denique vniuersa Italia, suadebat Rosimundæ, vt interfecto marito sibi nuberet. Placebat mulieri hoc consilium, & poculum vino venenoq; mixtum, Helmechildi è balneis exeunti atq; sitienti porrigebat: cuius mediam partem vbi ille ebibisset, iamq; cruciatus sentiret in corpore, & rem intelligeret, vi adigebat Rosimundā, vt quod reliquum erat in poculo, ipsa exhauriret. Sic paucas post horas ambo extinguabantur, & Longinus quoq; frustrabatur ea spe & expectatione, quam de potiundo regno conceperat. Elege-

*Clephes Lō-
gobardorū
Rex.*

rant interea Longobardi Clephē Re-
gē in vrbe Ticini, quę regia illorum
erat. Is Imolam reedificabat, quam
Narses antē deuastrauerat. Occupa-
bat & Ariminū, totūq; illum tractum
ab eo loco, ferē Romā vsq;: tandē in
medio cursu victorię florentissimęq;
fortunę, moriebatur: Erat aut natura
crudelissimus nō erga exteros tātum,
verum etiam in suos. Quare partim
seueritate illius territi Longobardi,
partim regię potestatis pertęsi, in-
terfecto eo, nolebant amplius vnus
alicuius imperio & potestati subesse.
Duces inter se cōstituebant xxx. nu-
mero, quę res deinde detrimēto ma-
ximo iis fuit, fecitq; vt nūquā vniuer-
sa Italia potirētur, nec imperiū suum
vnquā vltra Beneuentū extenderēt:
deniq; vt & vrbs Romana, Rauenna,
Cremona, Mātua, Patauium, Mons
Silius, Parma, Bononia, Fauentia,
Forum Liuii, item & Cesena vrbes,
diu admodū se aduersus eos defen-
derēt, vel omnino non ab iisdem oc-
cuparentur. *Quia enim rege tanquam*

*Tyranni
xxx:*

capite

capite destituebantur Longobardi, minus
 proclivē erant ad militiam: atq; licet novū
 aliquem ex suis eligebant, tamen assuetū
 iam per aliquod tempus libertati, minus
 ei obediebāt, quā par erat, dissensionib.
 vexabantur, & odio intestino, quæ res
 victoriam omnem illis adimebat, & tan-
 dem ex Italia eiiciebat. Cum igitur is ef-
 fet Longobardorū status, ea lege pax
 inibatur inter eos, Longinum, & po-
 pulum Romanū, ut depositis ex vtra-
 que parte armis, ea quisq; retineret,
 quæ occupauerat.

Cæperunt hoc tempore Pontifices Ro- Initium di-
 mani maiori esse in dignitate, quā an- gnitatis Pō-
 tea fuerant: Prius enim post Petrum tificia.
 apostolum, propter vitæ sanctimoniam,
 & miracula solummodo observabantur,
 ac tantum proderant exempla illorū fidei
 Christianæ, ut vellent nollent principes
 cogerentur amplecti illorū religionem,
 quo confusionem illam, quæ in mundo
 erat, è medio tollerent, & ad meliorem
 statum reducerēt. Etsi autē negari non
 potest, tum statim adauctam Pontifi-
 cum auctoritatem, cū Imperatores

Romani Christianam fidem ample-
xi, relicta Roma, Constantinopoli
coeperunt habitare, quo tempore &
ruina Imperii Romani coepit, ut iam
antea demonstrauius: quia tamen
ad hanc Longobardorum vsq; æta-
tem semper habuit Italia Imperato-
res, vel Reges, vix alia erat Pontifi-
cū dignitas & æstimatio, præter eam,
quam. ut dixi, vitæ sanctimonia sibi
paraucrunt, & doctrina. In aliis rebus
Imperatoribus aut regibus obedie-
bant, sæpè etiam ad supplicium ab iis-
dem rapiebantur. Ac si quid vnquam
dignitatis Pontificibus in Italia antea
accessit, id omne à Theodorico ve-
nit Gothorum Rege, cum is Rauennam
regiam suam transferret. Tum
enim Roma sine principe relinque-
batur, & ciues Romani eo libentius
suberant Pontificibus, quòd tutò &
trāquillè commorari sub iis possent.
Sed nihil aut perparum istud erat, &
hoc vnum obtinebant, ut Ecclesia
Rauennensis Ecclesiæ Romanæ ef-
set subiecta. Cum autem Longobar-
di quo-

di quoq; in Italiam iam venirent, &
 illa in factiones plurimas scissa esset,
 adaugebatur Pontificia potestas hoc
 illorum aduentu. Cum enim Ponti-
 fex caput esset & princeps urbis Ro-
 manæ, Imperator verò Constantino-
 poli præfesset, ita se tempori & præ-
 senti rerum statui accommodabant
 Longobardi, ac Longinus, ut medi-
 ante Pontifice, populum Romanum
 sibi deuincirent, nō ut subditus illo-
 rum esset, sed socius, & nunc horum,
 nunc Græcorum partes sequentes
 Pōtiffices, mirum quā adaugebant
 suam dignitatem. Quinetiam hæc *Ruina impe-*
 potentia illorum causa erat ruinæ & *rii in Orien-*
 interitus imperii Orientalis, cœpitq; *te.*
 illud corruere sub Heraclio Impera-
 tore, cum Sclauī (quorum suprà fe-
 cimus mentionem) rursus bellum
 inferrent Illyriæ, eamq; occupatam
 suo nomine Sclauoniam appellaret: *Sclauonia.*
 quo etiam tempore idem Imperium
 ex altera parte à Persis oppugnaba-
 tur, post à Sarracenis, qui ex Arabia
 venerant duce Mahomete, postre-

mò à Turcis. Quoniam igitur Syria, Africa, & Ægyptus ademptæ erant huic imperio, frustra implorabat opem & auxiliū illius Pontifex Romanus, si quando molestaretur ab aliis: in Italia vis & potentia Longobardorum augebatur. Quare nouam sibi amicitia contrahendā ratus, cum Galliarum rege eam inibat. *Sic omnium, propemodum bellorum, qua ab eo tempore in Italia gesta à barbaris sunt, causa & occasio fuere Pontifices, & ipsimet* ut plurimum attraxerūt in eā barbaros, idemque adhuc solent facere: denique hac una res robur atque vires Italia fregit, frangitque nostra hac ætate. Quapropter in recitandis iis quæ post ea tempora gesta sunt, ad nostra vsque nihil dicā amplius de Imperii Romani ruina & interitu; id enim iam humi prostratū iacet. De Pontificibus sermo habendus erit, deq; aliis qui Italiam gubernarunt, vsq; ad Caroli VIII. Galliarū regis ætatem, eiusq; in eam aduētum. Ita enim intelligetur, quomodo Pontifices censura primum omni-

Pontifices
Romani
causa omni-
um malorū
in utroque
Imperio.

mnibus iniecerint metum, pòst censura & armis simul, quibus tandem indulgentiæ fuerunt admixtæ, quàm abusi sint utroq; illo, quomodo item prorsus amiserint alterum, alterum ita retineant, vt aliorum iudicio & censuræ sint subiecti. Vt igitur eò redeam, vnde sum digressus: Cùm ad Pontificatum venisset Gregorius III. occupabat Rauennam ciuitatem Astulfus Longobardorum Rex, contra fœdera pacis, bellumque mouebat Pontifici. Itaq; Põtifex Imperatoris orientalis auxilio diffidens, & perfidia Longobardorũ adductus, in Galliam discedebat ad Pipinũ I. eius nominis regẽ, qui cum Austriæ antea & Brabantia imperasset, tunc etiam ad illius regni gubernacula peruenerat, non tam propria virtute, quàm parẽtis sui Caroli Martelli, & Pipini aui. Commiserat. n. hic Carolus illam memorabilẽ stragem ad Turonem urbem in flumine Era, quauitrac c c m. Sarracenorũ perierat,

Astulfus Longobardorum Rex.

Pipinus Gallia Rex.

*Gregorius
III. Pont.*

& spes maxima erat, filium nō minus
vilem futurum patriæ, quàm parens
olim fuerat. Huius igitur Pipini opē
& auxilium implorabat Gregorius
Pontifex, aduerſum Longobardos,
& Pipinus promittebat, ſi prius illum
vidiſſet, ac honore debito aſſeciſſet;
quamobrem nulla interpoſita mora,
profiſcebatur in Gallias Pontifex,
per hoſtiles Longobardorum regio-
nes, nemine impediēte, tantus ni-
mirum honos habebatur eo tempo-
re religioni. Vbi in Galliam venit,
multis beneficiis aſſicitur à rege, poſt
in Italiam remittitur cum exercitu,
eoq; Longobardos cingit obſidione
Tieſini. Hic neceſſitate coact⁹ Aſtul-
fus, pacis conditiones petebat a Gal-
lis, eaſq; impetrabat adiuvante Pōti-
fice, qui negabat ſe cupere mortē &
interitum hoſtis ſui: ſed vt conuerte-
retur, ac viueret. Promittebat autem
Aſtulfus ſe redditurum Eccleſiæ Ro-
manæ regiones quas occupauerat,
ſed fregit fidē datam, quam primum
Galli ſe in patriam receperunt. Qua-
re rur-

re rursus petit Pontifex copias militares à Pipino, quas cum rex mitteret, cædebantur ab eis Longobardi, vrbs Rauenna recuperabatur, & Pontifici donabatur à Rege, vel inuito Imperatore Græcorum, donabantur quoq; eidem aliæ ditiones, Exarcho subiectæ. Præterea ager Vrbinensis, & Marchia Anconitana: quæ omnia dum Astulfus Pontifici tradit, moriebatur, & Desiderius Tusciæ dux militem colligebat, vt regnum illud defenderet. Petebat autem opem à Pontifice ad eam rem, & amicum se illi fore pollicebatur, daturumq; ea quæ Astulfus promiserat. Cumq; Pontifex petitioni eius annueret, assentiebantur & cæteri principes, regnumq; ei concedebant. Ac initio quidem fidem datam seruabat Desiderius, tradebatq; ea loca Pontifici, de quibus inter Pipinum & Longobardos conuenerat: Nec amplius Exarchus è Constantinopoli mittebatur Rauennam, nutu & voluntate Pontificis gubernabatur ea vrbs.

*Desiderius
Lōgobardorum
Rex.*

E

Carolus
Magnus
Gallia Rex
& Impera-
tor in Occi-
dente.
Theodorus
Pont.

Mortuo Pipino, succedebat in re-
gno Carolus filius, cognomento *Ma-*
gnus, propter res egregiè gestas: in
Pontificatu verò successerat Theo-
dorus I. inter quem ac Desiderium
cum lites ortæ essent, Desiderius Ro-
mam obsidebat, Pontifex Carolum
in auxiliū vocabat, qui per Alpes Ita-
liā ingressus, constringebat Deside-
riū Ticini, captumq; cū filiis in Gallias
mittebat, deinde Romam proficisce-
batur, vt Pontificē inuiseret. Quō cū
venisset, decernebat, ne Pōtifex, Dei
in mundo vicarius, vllius hominis iu-
dicio in posterū esset subiectus. *Quā*
ob rem à populo Romano Imperator salu-
tabatur, cæpitq; Roma iterum habere Im-
peratorem Occidentalem. Et cum antea
Pontifices ab Imperatoribus soliti fuif-
sent confirmari, ipsi nunc cæperunt opus
habere Pontificum confirmatione & au-
toritate; perdiditq; existimationem suam
Imperialis dignitas, acquisiuit Pontifi-
tia: & his artibus deinceps principibus
politicis se prætulit. Fuerant iam in Ita-
lia Longobardi annis c c x x x i i i. &
nomi-

homine tantum ac origine erant ex-
teri, re nequaquam. His igitur Caro-
lus, cum tempore Leonis III. Italiae ^{Leo. III.}
regiones in certum ordinem redige- ^{Pont.}
ret, permittebat, ut ea loca inhabita-
rent, in quibus nati ac nutriti essent,
eamque regionem à nomine ipsorum
Longobardiam appellarent. Aliam I- ^{Longobar-}
taliam partem, vicinam huic, & quæ ^{dia.}
Exarcho Rauennensi fuerat subie-
cta, *Romandiolam* appellari volebat,
ut Imperii Romani nomē in honore
esset apud vicinos Longobardos, &
metueretur. Creabat præterea Pipi-
nū filium suum Italiae Regē, designa- ^{Pipinus Ita-}
ta ei Iurisdictione Bonauentum vsq; ^{lia Rex.}
Quod reliquū erat in Italia, Impera-
tori Græcorum cōcedebat, cum quo
pacem & amicitiam iniuerat.

Peruenerat sub id tempus ad Pō- ^{Paschalis I.}
tificatum Paschalis, eius nominis I. ^{Pont.}
Vbi pastores Ecclesiarum urbis Romæ, Pō-
tifici vicini, & in electione eius præsentēs,
quo munus suū ornarent splendido aliquo
titulo, Cardinales se vocabāt, & ipsi sibi ^{Initium di-}
dignitatem maximam arrogabant; iam ^{gnitatis}
Cardinali- ^{tia.}

enim excluſerant populum Romanum ab electione Pontificis; fiebatq; vt rarò alius quiſpiam eligeretur ad eam dignitatem, quam qui Romam inhabitabant. Paſchale itaq; mortuo, creabatur in Pontif. Roma. Eugenius II. tituli S. Sabine, & Italia in manu Gallorum exiſtente, iterum nonnihil mutabatur forma gubernationis, quia Pontifex opulentiſſimus erat factus, & iidem Galli, Comites & Marchiones conſtituerant in ea, quemadmodum Longinus Exarchus, duces. Tandem poſt aliquot Põtificum è vita diſceſſum, perueniebat ad Põtificatum quidam patriâ Romanus, qui cum *os porci* vocaretur, mutato nomine, *Sergium* ſe appellabat, quod prius nomen eſſet obſcœnum, deditque hic anſam ſequentibus Pontificibus, cur electi nomina mutare ſoleant. Sed & Carolus interea mortuus erat, & hæredem Impetii reliquerat, Ludouicum filium. Quo ſimiliter vita defuncto, tantæ lites oriebantur inter liberos ipſius, vt nepotũ deinde tem-

Eugenius II.
Pont.

Sergius
Pont.

Ludouicus
Imp.

de temporibus, Imperiū Romanum à Gallis ad Germanos transferretur, fuitq; primus Germanorum Imperatorum *Arnolphus* dictus. Nec verò Caroli familia Imperium Romanum tantum amittebat ob discordiam & odia intestina, verum etiam regnum Italiæ. Nam & Longobardi iterum animati, bello laceſcebant Pōtificem populumq; Romanum; & Pontifex cū neminem haberet, cuius ope & auxilio niteretur, neceſſitate coactus, regem Italiæ creabat Berengarium, Fori Iulii Ducem. Addebāt & Hunnis, qui in Pannonia commorabantur, animum iſtæ rerum vices, vt ruſum bellum mouerent Italiæ. Sed à Berengario repreſſi, in Pannoniam ſe recipiebant, ſeu Hungariam, ſic enim eam prouinciā ſuo nomine appellauerant. Præerat tum temporis Imperio Græcorum Romanus quidam nomine, qui Conſtantino illud ademerat, cum præfectus classi illius eſſet. Huic in ea commutatione & viciffitudine rerum, Apulia ſimul

*Imperium
Romanum
à Gallis ad
Germanos
translatum.
Arnolphus
l. Imp. Ger-
manus.*

*Berengarius
Italia Rex.*

& Calabria rebellabant , regiones
 Imperio illius subiectæ , vt suprâ de-
 monstrauiamus. Itaque ira & indigna-
 tione percitus , Sarracenis permitte-
 bat , vt bello eas regiones impeteret :
 quas cùm illi occupassent , Roma
 quoq; potiri conabantur. Interim ta-
 men Romani urbem defendebant
 sub Alberico Tusciæ Duce , quem
 præfectum elegerant ad eam rem ,
 quod Berengarius cum Hunnis es-
 set occupatus. Soluta obsidione ca-
 stellum extruebant Sarraceni in Gar-
 gano monte , vnde Apuliæ simul ac
 Calabriæ imperare possent pro arbi-
 trario , reliquas Italię regiones depopu-
 „ labantur. *Sic tristis admodum facies erat I-*
 „ *talia ea etate, & status miserrimus. Ab ea*
 „ *parte, quæ Alpes respicit, ab Hunis vexa-*
 „ *batur: ab altera, quæ Neapolim, à Sarrace-*
 „ *nis: durabat, ea calamitas per annos mul-*
 „ *tos, sub tribus Berengariis, qui ordine sibi*
 „ *inuicem succedebant. Sed & stat' Põtificis,*
 & Ecclesię maximè erat perturbatus,
 nec ab vlllo habebat patrociniũ , pro-
 pter dissensionem principum, in Im-
 perio

perio Occidentali, & quod vires imperii Orientalis fractæ essent. Deuastabatur & vrbs Genua ab iisdē Saracenis, Pise incrementum fumebāt; quia multi è patria eiekti passim ad eā urbem confugiebant, sub annum Christi DCCCCXXXI.

Pōst vbi ad gubernacula Imperii *Otho I. Imp.* Romani peruenisset Otho, Henrici & Mathildis filius, Saxonix Dux, homo prudens, rogabat eum Agapetus *Agapetus II. Pont.* Pontifex, vt Italiam à tyrannide Berengariorum liberaret. Erat autem ad hunc modum distributa eo tempore: Longobardia regebatur à Berengario tertio, eiusq; filio Alberto: Thuscia & Romandiola à præfecto quodam, quem Imperator Occidentalis ad eam rem designauerat: Apulia & Calabria partim Imperatori Græcorū suberāt, partim Saracenis. Romæ annuatim duo Cōsules creabantur ex equestri dignitate, hi more maiorū Rempub. illam gubernabāt. Erat & præfectus quidam consulibus adiunctus, qui rationem admini-

strationis redderet populo: præterea collegium iudicum 12. horum cura, vt singulis annis novos præfectos cōstituerent locis Reipubl. subiectis. Pontificis autoritas Romæ & in Italia magna erat, vel exigua, prout cum amabant Imperatores, & potentissimi quique; Ottho igitur Italiam ingressus, regnum Berengariis adimebat, quod illi iam L v. annis tenuerant, pristina autoritate Pontifici restituta. Habebat hic Imperator filium & nepotem eiusdem secum nominis, qui ordine in Imperio ei succedebant: & tempore Otthonis III. Româ expellebatur à ciuibus Gregorius Pontifex.

*Gregorius
V. Pont.*

*Hunc quoniam idem Ottho restituebat
pristina sua dignitati, cum in Italiam ve-
nisset, vt iniuriam sibi illatam ulciscere-
tur Pontifex, omne ius & potestatem eli-
gendi Imperatoris populo Romano adi-
mebat, eamq; sex Principibus Germanis
concedebat, nimirum tribus Episcopis,
Moguntinensi, Treuerensi & Colonien-
si; tribus item politicis principibus, Mar-
chioni Brandeburgensi, Palatino Rheni,*

*Electorum
in Imperio
origo.*

& Du-

& Duci Saxonia, circa annum salutis

MII. Quare Orthone tertio mortuo, eligebatur ab electoribus in Im-

peratorem Henricus Bauariæ Dux, *Henricus*
 qui post annos XII. à Stephano Pon- *II. Imp.*
 tifice, eius nominis VIII. Imperiali *Stephanus*
VIII. Pont.

diademate ornabatur. Vitæ autem innocentissimæ erant Hêricus & Simeuntha vxor illius, quod ex multis templis apparet, quæ vel de nouo ab iis sunt extructa, vel liberaliter do-

tata: estq; ex eorum numero réplum S. Miniati iuxta Florentiam. Morie-

batur anno salutis MXXIV. succedē-

te ei Cunrado Sueuo, cui rursus Hen-

ricus secundus succedebat: Qui Ro-

mam veniens, cum schisma esset ex-

ortum, & tres essent numero Ponti-

fices, semotis iis, Clementem in Pon-

tificē eligebat, eius nominis II. à quo

etiam Imperii diadema tulit. Rege-

Conradus
II. Imp.

Henricus
III. Imp.

schisma.

Clementis II.
Pont.

Cācellarius vocabatur. Inter principes omniū potentissimus erat Godfredus quidam, cui vxor erat Mathildis, nata ex Beatrice sorore Hengici secundi. Tenebat enim Lucam, Parmam, Regium, Lepidum, Mātnam, torumq; illum tractum, quem hodie *patrimonium Petri* vocant. Pontificibus ambitio ac fastus populi Romani multum oberat. Cum enim populus vltro sese antea subiecisset illorum potestati, vt iugum ab Imperatoribus impositum excuteret, vrbis Romanæ dominium nactus, etiam eos incoeperat odisse, & pl^o iis damni dabat, quàm quisquam alius princeps Christianus. Iam verò Pontifices cēsure sua toti Occidenti erāt terrori, & hoc vnum agebatur inter eos, & populum Romanum, vt alter vires alterius frangeret, suas adaugeret. Quemadmodum itaq; Gregorius V. ius omne eligendi Imperatoris populo antea ademerat, sic cum ad Pontificatum perueniret Nicolaus II. cauebat, ne in Pontificū quidem

Nicolaus
II. Pont.

dem electione idem populus Romanus deinceps iuris aliquid haberet, omni illa autoritate Cardinalibus concessa. Quinetiam à Calabria & Apulia ducibus adiutus, eos qui nomine populi Romani magistratu aliquo fungebantur, iuramento obstringebat, ad obedientiam Pontificibus præstandam, nonnullos eorum ab officiis semouebat. Extincto hoc Pontificæ, sequebatur schisma in Ecclesia, quia Clerus Longobardiæ negabat se subiectum esse imperio Alexandri I I. & alium sibi creauerat Pontificem, Gadam Parmensem. Sed oderat Henricus potetiam Pontificum, & ab Alexandro petebat, ut Pontificatui renunciaret, deinde Cardinales in Germaniam proficisci iubebat noui Pontificis creandi causa: Itaque Henricus ille primus omnium ex Imperatoribus Romanis, vim & potentiam gladii spiritualis experiebatur. Cogebat enim Concilium Põtifex in vrbe Roma, eumque priuabat tam imperio, quàm regno,

*Dignitas
Cardinaliū
confirmata*

Schisma.

*Alexander
I I. Pont.*

*Imperator
dignitate
sua priuatus
à Pont. Ro-
mano.*

& alii Italiæ populi Pontificis sequebantur partes, alii Henrici: deniq; ea res Guelphis & Gibellinis occasione dabat, & vt Italia alioquin à colluue barbarorum libera intestino bello conficeretur, seq; ipsam pessundaret. Adeum modum excommunicatus Henricus, cogebatur à subditis, vt in Italiam profectus supplex fieret Pontifici, veniamq; peteret admissi erroris, An. Christi M LXXX. Paulò post iterum oriebatur dissensio inter illum & Pontificem, rursusq; excommunicabatur Henricus, vt antea; verum nihili faciebat fulmen hoc Pontificium; imò filium, cui similiter Henrico erat nomen, Romam mittebat cum exercitu, vbi adiutus à populo Romano, tantisper obsidione premebat Pōtificem in castro eius vrbis, donec Robertus Guiscardus ex Apulia obseſſo ferret opem; hoc enim adueniente Hēricus in Germaniam sese recipiebat. Cum autem populus Romanus nihilominus suo in proposito perseueraret, iterum deuastabatur

batur Roma à Roberto, & ad pristinas redigebatur ruinas, à quibus vixdum multis à Pontificibus antè fuerat vindicata. Et quoniã hic Robertus nouam formam gubernationis instituit in regno Neapolitano, haud præter rem me facturum existimo, si familiam eius & res gestas exposuero aliquanto diligentius.

Quo tempore inter se rixabantur hæredes Caroli Magni, vt suprà demonstratum est, occasionem sumebat noui populi Septentrionales, *Normandi* nomine, impetum in Galliam faciundi, & partem illius occupabāt, quæ iam *Normandia* dicitur. Post aliqui illorum venerūt in Italiam, cum Berengarii, Sarraceni & Hunni eam prouinciam deuastarent, & Roman-diolæ partem occuparunt, in qua etiam toto tempore illius belli strenuè se sunt tutati. Erat inter principes istorum Normandorum quidam *Tācredus* nomine, is plures habebat filios, quorum vnus Guilielmus appellabatur, cognomento *Ferabar*, alter

Normādiæ.

Robertus Guiscardus: Peruenerat autem gubernatio ad Guilelmum: iamq; magna ex parte pax erat restituta Italię, nisi quod Sarraceni adhuc Siciliam tenebant, & Italiam littoralem infestabant. Itaque foedere inito inter Guilelmum & Capuę Ducem, itemque Ducem Salernitanum, & Melorcum Græcum, qui Græci Imperatoris titulo, Apulię & Calabrię præerat: conueniebat inter eos, vt bellum Sicilię inferrent, & si victoria potirentur, cuique illorum prædę & regionis acceptę pars quarta cederet. Respondebat consilio euentus, & Sicilia occupabatur, Sarracenis eiectis: Sed Melorcus è Græcia clam accersito milite, paulò post eam insulam totam in clientelam Imperatoris sui accipiebat, prædam tãtummodò diuidebat cum sociis. Hanc eius distributionem etsi indignissimè ferret Guilelmus, vindictam tamē in commodius tempus differebat. Nā postea è Sicilia discedēs cum Duce Salernitano & Capua-

no, v-

no, vbi illis iam valedixisset, seq; domum illi reciperent, non in Roman-
diolam reuertebatur ipse, sed Apuliã
versus ducebat exercitũ suum, & A-
malpha occupata, inde exiguo tẽpo-
ris spacio vniuersa ferẽ Apulia & Ca-
labria potiebatur, vel inuito Impe-
ratore Græcorũ. His igitur prouin-
ciis tempore Nicolai II. imperabat
Robertus Guilelmi frater, cumque
multas lites habuisset cum nepotib.
illius, actione familiæ herciscundæ,
vsus est ea in re arbitro Pontifice, co-
que facilius erat Pontifex ad agendas
Roberti partes, vt & contra Impera-
tores Germanos, & aduersum insolẽ-
tiam populi Romani ab eodẽ defen-
deretur, quemadmodum & paulò
antè ostendi, quo pacto inuitatus à
Gregorio VII. Henricum coëgerit,
vt urbem Romam, quam obsidione
cinxerat, relinqueret, & quo pacto
populum Romanum redegerit sub
iugum. Successere Roberto Rugeri-
us & Guilelmus filii, quibus se cõiun-
gebant Neapolitani, totusq; ille tra-

etus, qui est à Neapoli Romam usque;
 præterea Sicilia, quã occupabât Ru-
 gerius. Capiebatur deinde Guiliel-
 mus à Rugerio Constantinopolim
 proficiscens, nimirum ut filiam Im-
 peratoris in vxorem duceret, ac spo-
 liabatur omni dominio & iurisdicti-
 one, eaq; re tantopere efferebatur
 Rugerius, ut principio Rex Italię vo-
 cari voluerit, post titulo Regis Apu-
 lię & Sicilia contentus, primus o-
 mnium eam gubernationis formam
 introduxit in eo regno, qua etiam nũ
 hodie utitur, antiquis suis finibus &
 limitibus conclusum, tamen sæpe
 admodum mutauerit cum familias,
 tum etiam gubernatores. Cum e-
 nim stirps Normandorũ principum
 in eo finem haberet, gubernatum
 fuit primum à Germanis, post à Gal-
 lis, præterea à regibus Arragoniæ:
 nostra deniq; ætate à Belgis regitur.
 Peruenerat interea ad dignitatẽ Põ-
 tificiam Urbanus II. qui exosus po-
 pulo Romano, cum arbitraretur se
 vix tutò degere posse in Italia pro-
 pter

Urbanus II.
 Pont.

pter dissensiones ac bella intestina,
 dignam laudē aggrediebatur. Nā
 in Galliam profectus, cum vniuerso
 clero, diuersisq; populis conuocatis,
 Antuerpiæ comitia celebrabat: vbi
 elegantissima oratione eos hortaba-
 tur ad bellum infidelibus inferen-
 dum. Atq; ita sanè ea commouebat
 omnium animos, vt protinus delibe-
 raretur de ducendo exercitu in A-
 siam aduersus Sarracenos, fuitq; ex-
 peditio hæc cū aliis similibus, *Cruci-*
gerorum appellata, quod omnes qui
 in ea militarent, rubram crucem ha-
 berent, vel in armis vel in veste. Prin-
 cipes eius erant Godofredus, Eusta-
 chius, Alduinus Bulgenſis, Comites
 Bononiæ, ac Eremita quidam, nomi-
 ne Petrus, vitę sanctimonia & prude-
 tia clarus, multiq; reges ac populi li-
 beralis. contribuebant ad eam, mul-
 ti etiam priuati gratis & sine stipen-
 diis militabant, tantum nimirum po-
 terat eo tēpore in animis hominum
 religio, præterquam quod & eorū e-
 xemplo mouerentur, qui autores e-

*Expedi-
 tio
 Marianorū
 contra hostes
 fidei Chri-
 stiana.*

rant huius expeditionis, & duces. A
 initio quidem gloriosissima erat ex-
 peditio hæc: tota. n. Asia minor, Sy-
 ria & Ægypti pars, Imperio Chri-
 stianorum per eam accessit; fuit et-
 iam causa & occasio constituendi or-
 dinis equitū Hierosolymitanorum,
 qui hodie adhuc supersunt, Rhodū-
 que tenent, vnicum obstaculum ad-
 uersus vim & potentiam Mahome-
 tanam. Nascebatur quoque inde
 Templariorum ordo: sed is propter
 vitæ & morum turpitudinem, paulò
 post extinctus est. Deniq; multa & va-
 ria sunt secuta ex hac expeditione,
 diuersis temporibus vel à totis popu-
 lis, vel à certis quibusdam homini-
 bus, laude & posteritate digna. Fere-
 bant ad eam opem Galliarum & An-
 glia Reges, præterea Pisani, Veneti,
 & Genuenses: ac satis feliciter pugna-
 batur vsque ad tempora Saladini Sar-
 raceni, cuius tandem virtus, vnà cum
 discordia Christianorum omnē lau-
 dem atque gloriam adimebat militi-
 bus istis, quam gloriosè sibi initio
 com-

*Militum
 Hierosoly-
 mitanorum
 Templario-
 rum ordo.*

comparauerāt, fueruntq; post annos
 x c. omnibus iis regionibus eiekti,
 quas tanto cum honore & felicitate
 consecuti erant. Urbano Pōtifici suc-
 cessit Paschalis II. in Imperio Henri-
 cus III. Is Romam veniēs, initio si-
 mulabat mira beneuolētia se cōple-
 cti Pontificem, pōst illum cū vniuer-
 so clero coniiciebat in carcerem, nec
 pri⁹ inde liberabat, quam ei cōcede-
 retur, vt de Ecclesiis Germaniæ suo
 pro arbitrio & volūtate statuere pos-
 set. Moriebatur quoque sub id tem-
 pus Comitissa Mathildis, bonis omni-
 bus Ecclesiæ Romanę relictis. Mor-
 tuo deinde Paschale & Henrico, plu-
 res sequebantur tum Pontifices tum
 Imperatores, vsq; ad Pontificatum
 Alexandri III. & imperium Frede-
 rici Sueui, cognomento *Barbarossa*.
 Fuerant autem (vt ostensum est)
 ab hinc multis annis maximæ simul-
 tates & discordiæ inter Pontifices,
 Imperatores, & populum Roma-
 num: Hæ igitur sub hoc Impera-
 tore magis arque magis adaugeban-

Paschalis II.

Pont.

Henricus

IV. & V.

Imp.

Alexander

III.

Fredericus

I. Barbaros-

sa cognomē-

to, Imp.

tur. Eratis exercitatissimus in remilitari, ac indignissimè ferebat Pontificum auctoritatem: Electus tamen in Imperatorem, Romam veniebat, ut diademate Imperiali ornaretur, reuertebatur etiã inde pacificè in Germaniam. Sed nō diu admodum perseverabat in eo animi proposito, quin mox redibat in Italiam, ut de Longobardis quibusdã sumeret supplicium, quod imperium eius detrectassent. Per opportunè eo tempore Cardinalis S. Clementis, patriã Romanus, ab Alexandro se seiunxerat, fueratq; à nonnullis Cardinalibus in Pontificem creatus. Itaq; cum ad Parmam civitatem in castris degeret Fredericus, conquerebatur apud illum Alexander de Antipapa, cui hoc respōsi dabat Fredericus, ut ambo simul Antipapam quaererent, post se definiturum, uter illorum verus esset Pontifex, nec ne. Hoc respōsum cum Alexandro displiceret, Imperatorem excommunicabat, tanquam ad novi Pontificis partes inclinatum, ipse ad Philippum Regem in Gallias

Schisma.

” *nam civitatem in castris degeret Fredericus,*
 ” *conquerebatur apud illum Alexander*
 ” *de Antipapa, cui hoc respōsi dabat Fredericus,*
 ” *ut ambo simul Antipapam quaererent,*
 ” *post se definiturum, uter illorum*
 ” *verus esset Pontifex, nec ne. Hoc respōsum*
 ” *cum Alexandro displiceret, Imperatorem*
 ” *excommunicabat, tanquam ad novi Pontificis*
 ” *partes inclinatum, ipse ad Philippum Regem in*
 ” *Gallias*

Gallias confugiebat. Sed nihilominus cœptum bellum prosequiebatur in Longobardia Imperator, & Mediolanum expugnabat. Veronenses, Patauini, ac Vincentini, vires suas cōiungebant, quo se aduersus eum defenderent. Deinde nouus Pontifex extinguebatur, eiusq; in locum subrogabat Fredericus Guidum Cremonensem, iamq; sese aliquantulum recollegerat populus Romanus, Pōtifice absente, & Imperatore bello Longobardico occupato, eamq; auctoritatem receperat in vrbe, vt iterum sub potestatem suam vocaret eas ciuitates, quibus olim imperauerat: Et quoniam Tusculani detrectabant imperium illius, vi eos conabatur sub iugum reducere: verum cum Tusculanis auxilium ferret Fredericus, reprimebatur ab iisdem tāta strage, vt Roma deinceps nunquam ad eō fuerit populosa atq; potens. Dum hæc geruntur, reuersus erat in vrbem Alexander Pontifex, existimans tutò se in ea posse commorari, quod in-

imicitia essent inter populū Romanum ac Fredericū, & quod ille plures alios in Lōgobardia haberet hostes: verū nihil mouebatur Fredericus iis rebus, quin rectā castrametabatur ad urbem Romam. Quare Alexāder in Apuliam fugiebat ad Guilelmum, regem & heredem regni illius, post obitum Rugerii. Fredericum pestis cogebat soluere obsidionem, atq; in Germaniam reuerti. Qui ex Longobardis Frederici hostes erāt, quō Ticinum & Tortonam vrbes imperio suo subiicerēt, Imperatoris partes secutas, & tunc etiam militem ipsius in præsidiis habentes, nouam urbem extruebant, receptaculū vniuersi illius belli, quam Alexandriam nominabant, partim in honorem Alexandri Pontificis, partim in ignominiam Frederici. Moriebatur autem & Guido Antipapa, cui subrogabatur Ioannes de Firmo, designata ei sede Pontificia in monte Falisco, ab iis qui Imperatoris sequebantur partes. Alexander Pontifex Tusculum concessit.

*Urbis Alexandrina
initium.*

cefferat, vocat⁹ ab inquilinis eius ciuitatis, vt autoritate sua eos aduersum populum Romanum tutaretur.

Hoc igitur in loco eum reperiébāt Henrici Angliæ Regis Legati, missi ad eum, vt suspicionem, qua Rex illorum grauabatur ob interfectum Thomã Cantuariæ Episcopũ, amouerent, vtq; ostenderet regem extra culpam esse. Itaq; Cardinales duos cum iis mittebat in Angliã Pontifex, qui rem omnẽ vt gesta esset, cognoscerent. Et quanquam non deprehendebant regem in manifesta culpa, quia tamen magnum scelus erat admissum aduersus tantum virum, pœnitentiæ loco illi iniungebant, vt cõuocatis regni vniuersi baronibus, iureiurãdo se coram iis purgaret, nō esse tale homicidium commissum suo instinctu aut voluntate. Præterea vt milites c. c. sine mora mitteret Hierosolymã, numerato iis stipendio vnus anni, & ipse deinde collecto quando posset exercitu, intra annos tres etiã eò proficiscere.

tur, vt rescinderet omnia quæ in eodem suo regno, in inuidiam & præiudiciū libertatis Ecclesiasticæ constituiſſet: poſtremo, vt ſubditis quancunque vellent, prouocandi ad Pontificem Romanum copiam poteſtatemq; cōcederet. *Quæ omnia rex pollicebatur ſe facturum, ſeq. iudicio iſtorum hominum ſubmittebat, quorum hodie ne priuatus quidem aliquis ſe ſubmitteret.* Eſſi igitur magna erat tum autoritas Pontificis apud exteros principes, non tamen poterat populum Romanum ad obedientiam reducere, nec vlla ratione ab eodem impetrare, vt in urbem reciperetur: tamen ſi promitteret, nullam aliarū quam Eccleſiasticarum rerū curam ſe habiturum. Plerunq; enim fit, vt ea magis metuamus, quæ remotiora à nobis ſunt, quàm quæ propinqua, & ob oculos quodammodo verſantur. Reuerſus iam erat in Italiam Fredericus, bellumq; mouebat Pontifici: ſed admonebatur à proceribus ſuis, vt in gratiam Eccleſiæ rediret, futurum enim

nim alioquin aiebant, ut ipsi quoque eum defererent. Sic coactus Fredericus in urbem Veneram se conferebat, ubi pace cum Pontifice inita, omni autoritate & iurisdictione, quam habebat in vrbe Romana, ab eodem priuabatur: & Pontifex Guilelmum Siciliae ac Apuliae regem foedere sibi iungebat. Erat autem ea natura Fredericus, ut quietè & sine bello vivere vix posset. Quare ut cupiditatibus suis satisfaceret, in Asiam expeditionem parabat, contra Mahometanos, cum aduersus vicarios Christi nō potuisset. Verū in ea expeditione, cum ad Cydnum fluvium veniens aquae limpiditate pellectus, lauisset, morbumque sibi inde contraxisset, vitam amisit, & plus proderat Mahometanis illa aqua, quam Christianis excommunicationis: hæc enim tantummodò coercebat iram ac cupiditatem hostis, illa prorsus extinguebat. Mortuo Frederico, restabat Pontifici, ut populum Romanum iterum sub imperium suum & iurisdictionem redige-

*Ius quod in
vrbs Roma
habebat Im-
perator, per
Pontificem
ei adimitur.*

ret, cumq; multum inter eos discipraretur de creatione consulū, placuit tandem, vt iuxta veterem morē populus eos eligeret: ita tamen, ne illi magistratum inirent, nisi præstito prius iuramento, se Ecclesiæ fidē defensores, fecitq; hæc pacis conditio inter eos, vt Ioannes Antipapa in mortem Albanum se reciperet, quo etiam in loco postea expirauit. Moriebatur & sub id tēpus Guilelmus Neapolis rex, & Pōtifex Romanus conabatur occupare illud regnum, quia Guilelmus nullum reliquerat hæredem, præterquam Tancredū filium illegitimè natum: Interim proceres illius regni Pontifici se opponebant, & Tancredum eligebant regē, Quò igitur Tancredo regnum eriperet Pōtifex Celestinus, eius nominis III. efficiebat, vt in Imperatorem Romanum eligeretur Henricus, Frederici demortui filius, eiq; regnum illud pmittebat, si eas regiones restitueret Ecclesiæ, quas pater abstulerat. Atq; vt facilius perficeretur ea res, Constantin-

Celestinus
III. Pont.

Henricus
VI. Imp.

Monialis
rubric.

stantiā Guilielmi demortui filiā, Deo dicatam, & iam senio confectā, è cœnobio vocabat, camq; in matrimonium locabat Henrico. Quo factō auferebatur regnum Neapolitanum Normandis, & ad Germanos perueniebat. Statim igitur vt res suas composuit Henricus in Germania, veniebat in Italiam cum vxore Constantia, & filiolo quatuor annorum, Frederico nomine, occupabatq; regnū Neapolitanū, nemine propemodum repugnante. Iam enim diem suū obierat Tancredus, relicto infante filiolo, cui nomen Rugerio. Annis deinde aliquot interiectis moriebatur quoque Henricus in Sicilia, filium & hæredem eius regni relinquēs Fredericum, in Imperio sequebatur Ottho Saxonie Dux, ope & amicitia Innocentii III. Pōtificis. Sed is malam gratiam referebat Pōtifici; quāprimum enim diademate imperiali ab eo fuit ornatus, præter omnem expectationem bellum ei mouebat: occupabat Romandiolam, & hoc v-

Ottho IV.

Imp.

Innocentius

III. Pont.

num agebat, ut Neapoli quoque potiretur. Quamobrem à Pontifice fulmine excommunicationis ictus, ab omnibus deserebatur, & Electores illius in locum eligebant Imperatorem Fredericum, Neapolis regē. Hic licet Romam veniret, ut Imperator coronaretur, negabat tamen Pontifex se id facturum, quod potentiam eius metueret. Quin etiā Italia eum expellere conabatur, quemadmodum Otthone antea eiecerat. Quare ira percitus Fredericus in Germaniam se recipiebat, commissiſque cum Otthone aliquot pugnis, tandem victoria potiebatur. Interea diē suum obibat Innocētius Pontifex, qui præter alia multa, quæ viuens laudabiliter gessit, etiam Xenodochion S. Spiritus construxit in urbe Roma, eiſque succedebat in Pōtificatu Honorius III. sub quo ordo Dominicanorum & Franciscanorū habuit initium, Anno Christi, MCCXVIII. Ab hoc igitur Pontifice diadema imperiale cōſequebatur Fredericus: ac Ioannes ex Bal-

*Honorius
III, Pont.*

ex Baldouini stirpe prognatus, & Hierosolymæ Rex dictus, quod iis, qui in Asia doctrinam Christi adhuc profiterentur, præficeret, vnam ex filiabus suis in vxorem dabat Frederico, & simul cum dote titulum gubernationis eiusdem regni, vnde omnes postea Reges Neapolitani titulum Regis Hierosolymæ sibi vëdicarunt.

*Neapolis
Reges sunt
etiam Reges
Hierosoly-
mae.*

In Italia is status rerum erat eo tempore, Romæ desierant esse consules, & loco illorum nunc vnus aliquis tantum senator creabatur, nunc plures, quorum eadem erat autoritas, quæ cōsulum antè fuerat. Durabat & fœdus, quod ciuitates Longobardiæ inuierant aduersum Fredericum Barbarossam, puta Mediolanum, Brixia, Mantua, cum maiore parte ciuitatum Romandiolæ, Verona præterea, Vicentia, Padua & Teruissum. Cæsaris partes sequebantur Cremona, Bergamum, Parma, Regium, Mutina, Tridentum. Aliæ ciuitates & oppida Longobardiæ, Romandiolæ ac Marchiæ Teruissianæ, neutri factio-

nipenitus addictæ erant: & vt occasio ferebat, modò huius sequebâtur partes, modò alterius.

Venerat in Italiam tempore Otthonis III. Ezelinus quidam, cui adhuc nepos erat superstes ex filio eodẽ nomine, homo potētissimus opulentissimusq;. Hic quoniam Frederico à Pontifice excommunicato se adiunxerat, vbi in Italiã veniebat Fredericus, ope illius Mâtua simul ac Verona potiebatur. Deuastabat Vicentiam, Patauium occupabat, profligabat exercitum cõfœderatarum ciuitatum, pòst suum in Thusciam ducebat. Interea Ezelinus ex altera parte subiugabat Marchiam Teruisianam, vna Ferraria excepta, quæ ab Azone Estẽsi defẽdebatur, iisq; militib⁹, quos in Longobardia adhuc habebat Pontifex. Quod quidem ob beneficium, ciuitas illa obsidione liberata, in feudum concedebatur à Põtifice eidem Azoni, à quo etiam nostra hæc ætate Ferrariæ duces originem suam deducunt. Fredericus igitur in Thusciam

Origo Ducum Ferrariorum.

sciam profectus cū exercitu suo, confidebat Pisis, firma spe & opinione, posse se vniuersa Thuscia potiri. Atq; vt intelligeret, quinam in ea regione essent partium ipsius, vel nō, spargebat semina discordiæ inter incolas: vnde maxima calamitas sequebatur, & totius Italiæ ruina. Adaugebantur enim ob eam, & incrementum maximum capiebant Guelphorum & Gibellinorum factiones, & Guelphi vocabantur, qui Ecclesiæ Romanæ sequebantur partes: Gibellini, qui Imperatoris, primumq; omnium Pistorii fuere audita hæc eorum nomina. Educebat deinde exercitum suum ex vrbe Pisana Fredericus, & depopulabatur ditiones Ecclesiæ subiectas. Itaq; Pontifex quia nullum aliud habebat remediū, quo malū hoc depelleret, spem certissimam salutis faciebat his, qui aduersus hunc eius hostē arma sumerent, quod idē antecessores illi⁹ aduersus Sarracenos fecerant. Contrā Fredericus ne ex improviso à milite defereretur, quēad-

*Guelphorum
& Gibellinorum
factiones.*

modum Barbarossæ olim acciderat, & aliis Imperatoribus, Sarracenos quamplurimos conducebat, quos ut fide & beneuolentia sibi deuincirer, & ut munimentum constitueret in Italia aduersus Pontificiam dignitatē, quodve nihil metueret excommunicationis fulmen, Nuceriam regni Neapolitani urbem iis donabat, quocertum aliquod firmumq; refugium nacti, diligentius & securius partes illius defenderent. Peruenerat iam ad Pontificatum Innocētiū i v. is, quoniam à Frederico sibi metuebat. Genuam proficiscebatur, inde in Galliam, ubi concilium cogebat Lugduni. Statuerat & Fredericus eō proficisci, verum impediabatur obsidione Parmensi, & coactus eam soluere, in Tusciā se recipiebat, ex qua porro in Siciliam cum classe profectus, moriebatur, relicto in Sueuia Cunrado filio legitimo, in Apulia Manfredo ex concubina nato, quem Beneuenti Ducem fecerat. Ex his regnum occupaturus Cunradus, ubi Neapolim

*Innocentiū
IV. Pont.*

lim appulit, ipse quoque desinit esse in humanis, filium infantem relinquens in Germania Cōradinum nomine. Itaq; Manfredus primū vt legitimus tutor Conradini, regnum illud occupabat, pōst affirmans mortuum esse Conradinum, ipse sibi retinebat illud inuito Pontifice, & co-gebat incolas regni vt se pro rege agnoscerent. Dum hæc geruntur, ingens bellum oritur in Longobardia inter Guelphos & Gibellinos. Stabat à partibus Guelphorum legatus quidam Pontificius, à parte Gibellinorum Ezelinus, cuius sub dominio & iurisdictione erat tota illa Longobardiæ pars, quæ vltra Padum fluuium extenditur. Et quoniam etiam vrbs Parauina aduersabatur huic Ezelino, eo bello interficiebantur xii m. Parauinorum, ipse quoq; expirabat nōdū bello finito, anno ætatis suæ xxx. & loca quibus imperauerat, libertatem iterum consequabantur.

Persequebatur Manfredus Neapolis Rex, inimicitiam aduersum Ec-

G

Urbanus
IV. Pont.

clesiam Romanam, more maiorum suorum, & miserè vexabat Pōtificem illius temporis Urbanum IIII. qui cruce (vt vocant) contra illum data, Perusiam se recipiebat, copias auxiliares præstolaturus. Cum autem illæ exiguæ essent, nec admodum instructæ, & tardius venirent, quàm ab eo expectarentur, rarius maiore milite opus ad opprimendum Manfredum, è Galliis eum petebat: creatoq; in regē Sicilię ac Neapolis Carolo Angio, Ludouici Galliarum regis fratre, eundem hortabatur, vt primo quoq; tempore arriperet iter in Italiam, & regnū illud occuparet. Sed priusq̃ Carolus Romā veniret, Pontifex erat mortuus, eiq; successerat Clemens IV. quādo Carolus Ostiā appellebat triremibus xxx. reliquo exercitu terrestri itinere adducto: cūq; Romę aliquantulum cōmoraretur, senator creabatur à populo Romano, amoris & beneuolentię ergo, & Pontifex ei in feudū concedebat regnum Neapolitanum, ea tamen

Clemens
IV. Pont.

tamen lege & pacto, vt ob hoc beneficium annis singulis persolueret Ecclesiæ Romanæ Florenorū millia L. Cæuebat præterea decreto, ne vel ille vel alius quispiam regū Neapolitanorū deinceps in Imperatorē Romanum eligeretur. Carolus igitur commissa pugna cum Manfredō, exercitum illius superabat, interfecto ipso ad Beneuentum urbem, & Sicilia simul & regno Neapolitano potiebatur. Sed & Conradinus, cui ex testamento paterno regnū illud cesserat, Germanum militē ducebat in Italiā aduersus Carolum, & de summa rei certans primū coniciebatur in fugam, post cognitū interficiebatur. Rursum itaq; pax & tranquillitas restituebatur Italiæ, vsque ad Hadriani v. Pōtificatum. Cū enim tunc Romæ degeret Carolus, atq; vt Senator eam urbem gubernaret, indignissimè ferebat imperium eius Pontifex, ac Viterbium aulam suam transferens, Rudolphum Imperatorem vocabat contra Carolum. Ita semper attraxe-

Roges Neapolie non possunt esse Imp. Romani.

Hadrianus V. Pont.

Rudolphus Imp.

runt in Italiam exteras gentes Pontifices Romani, religionis vel ambitionis studio impulsī, & nouorū bellorum fuere autores. Sed statim vbi aliquem principem ditassent, facti eos pœnitebat, omnemq; lapidem mouebant, vt ab eo dignitatis gradū, quem collocarunt, eundem rursū deiicerent. Nec vnquam permittebant, vt quam illi prouinciam vi & potentia sua defendere non possent, ea ab alio quouis tutò ac tranquillè possideretur. Denique nihil metuebant alios principes, & vel armis sibi consulebant, vel fuga, nisi dolo fortè opprimeretur, quemadmodum Bonifacio v i i i. accidit, aliisque multis, qui amicitia quodā prætectu ab Imperatoribus sunt capti. Cæterum nō veniebat in Italiam Rudolphus, quia bello Bohemico impediabatur.

Mortuus erat interea Adrianus Pontifex, eiusq; in locum successerat Nicolaus i i i. ex Vrsinorum familia, homo audax & ambitiosus, qui cum modis omnibus tentaret Caroli po-

ten-

*Nicolaus
iii. imp.*

tentiam frangere, efficiebat, ut Rudolphus Imperator indignè ferret Carolum in Tuscia habere gubernatorem, Guelphorū nomine post mortem Manfredi eò missum. Quare Carolus præfectos suos reuocabat, & Pontifex Cardinalem quendam ex nepotibus suis subrogabat, qui Imperii nomine ei regioni præisset. Imperator verò ne ingratus videretur erga Pontificem, ob beneficium ab eo acceptum, iterum restituebat iurisdictioni illius Romandiolam, quam antecessores eius abstulerant, & Pontifex Ducem ei regioni præficiebat Bertoldum Ursinum. Iamque occasionem nactus experiundi fortunam suam cum Carolo, dignitate senatoria eum priuabat, decreto facto, ne quis regia stirpe prognatus, dignitate illa Romæ amplius frueretur. Quin etiam Siciliam ei adimere conabatur, eamque ob rem consilia inibat cum Petro Arragoniæ Rege, quæ postea sub sequenti Pontifice effectum suum cōsequebantur. Vo-

lebat præterea creare duos Reges ex
 familia sua, alterum Longobardiæ,
 alterum Thuscix, quorum poten-
 tia & ope Ecclesia Romana defen-
 deretur à Germanis, qui iam diu im-
 petum facere conabantur in Italiam,
 & à Gallis, qui regnū Neapolitanum
 „ tenebant. *Quæ omnia aliq, dum mo-*
 „ *liebatur, diem suum obibat, fuitq, hic pri-*
 „ *mus omnium Pontifex, qui ambitionem*
 „ *suam palam ac apertè ostenderet, quique*
 „ *hoc unum agebat, ut familiam suā cuehe-*
 „ *ret titulo & prætextu Ecclesiæ. Ac quem-*
 „ *admodum antehac nulla vnquam fa-*
 „ *cta est mētio nepotum aut cognato-*
 „ *rum alicuius Pontificis Romani, sic*
 „ *deinceps plena erit historia nostra il-*
 „ *lorum hominum, ita ut etiam de filiis*
 „ *ipsorum operæ precium fuerit nobis*
 „ *verba facere. Neque enim in alio quo-*
 „ *quā magis laborabunt Pontifices, nostram*
 „ *usq, ad atē, quā ut huiusmodi cogn-*
 „ *atos suos principes post se relinquerent, &*
 „ *Pontificia dignitas iure hereditario ad*
 „ *eosdem deuolueretur. Nunquam ta-*
 „ *men diu durarunt isti principatus*
 „ & di-

& dignitates Pontificiorum cognatorum, vel quod ipsi Pontifices plerunque desinerent esse in viuis, antequam eos confirmarent, vel etiam si confirmassent, eo tamen in statu relinquerent, vt aduersus potentiam & impetum aliorum sese defendere non possent. Sequebatur Nicolaum Martinus III., qui cum Gallus esset natione, Caroli partes defendebat. Carolus vt cōtrā illi gratificaretur, exercitū mittebat in Romandiolam, quæ iam rebellauerat aliquantulum Pontifici, cumque ad Forum Liuii castra esset metatus, Guido Bonatus Astrologus certum horæ momentum designabat ciuibus suis, quo cum illi excurrerent, & in hostem impetum facerent, Galli omnes ab iis interficiebantur vel ducebantur captiui. Sortiebantur & eodem tempore effectum suum cōsilia Nicolai Pontificis demortui, & Petri Arragoniæ Regis: nam huius ope & auxilio similiter interficiebantur, à Siculis Galli omnes, qui in ea insula

*Martinus
IV. Pont.*

Vespera Sicilia.

erant, eamq; occupabat Petrus, ac iure optimo ad se pertinere aiebat, quod Constantiam Manfredi filiam haberet vxorem. Colligebat & Carolus exercitum, vt eam in insulam recuperaret, verum morte præueniebatur, relicto filio Carolo secundo, qui in eodē bello antè in Sicilia fuerat captus, & vt liberaretur captiuitate, fidem dederat redditurum se in Siciliam, nisi intra annos tres impetrasset à Pōtifice, vt regibus Arragoniæ ea insula in feudum concederetur. Rudolphus Imperator in Italia expectabatur, vt veterem Imperii dignitatem in ea instauraret, sed oratorem tantum mittebat eò, cum mandatis, vt omnes ciuitates quæ se in pristinum Imperii statum vindicassent, liberas & immunes pronunciarer. Ita plures iugum ab aliis sibi impositum excutiebant, & cum libertate priorem Reipubl. formam permutabant.

*Adolphus
Imp.*

Succedebat Rudolpho in Imperio Adolphus, Pontifici Petrus de Muro.

Murone, *Papa Celestinus* dictus. Hic *Celestinus*
 cum esset Eremita, & vitæ sanctimo- *V. Pont.*
 nia clareret, post menses vi. dignitati
 Pontificiæ renunciabat, eiusq; in lo-
 cum subrogabatur Bonifacius viii.
 Iam verò in fatis erat, vt Italia Ger-
 manis & Gallis liberata à suis admi-
 nistraretur tantum, ac Pontifex vl-
 tra montanorum auxilio destitutus,
 potentia sua vti amplius non posset.
 Quare incipiebant in vrbe Romana
 florere duæ potētissimæ familiæ, Co- *Columnen-*
 lumnenses & Vrsini, qui & vicinita- *sium & Vr-*
 te sua & potentia dignitatem Ponti- *sinorum fa-*
 ficiam intra limites suos continerēt, *milia.*
 prohiberentq; ne in immensum ex-
 cresceret. Quod cum Bonifacius ve-
 reretur eos facturos, conabatur o-
 mnibus modis familiam Columnen-
 sium extinguere, nec solum eam ex-
 communicationis fulmine terrebat,
 verum etiam crucem (vt vocant)
 contra eum dabat. Quæ res etsi mo-
 lestissima erat Columnensibus, plus
 tamen Ecclesiæ Romanæ oberat,
 quàm ipsis. Nam & arma illa, quæ ob

amorem fidei Christianæ plurimum
potuerant antea apud omnes, vbi p-
pria ambitione & fastu, Põtifices ad-
uersus ipsosmet Christianos iis vte-
rentur, hebetabantur & officium su-
um recusabant. *Deniq, nihil ita fregit*
» Pontificum auctoritatem & imperium,
» quàm propria libido & dominandi cupi-
» ditas. Priuabat præterea Bonifaci-
us duos ex eadem familia Columnæ-
sium dignitate Cardinalitia. Cum-
que Sciarra quidam, præcipuus ex
ea familia, prius Pontifici ignotus,
fugam arripere, captus in ea à piratis
Catelanis, & ad triremes condemna-
tus, cognitus à nautis, è Marsilia Phi-
lippo Galliarum regi mittebatur. Qui
cùm ipse quoq; excõmunicatus esset
à Põtifice, & regno Neapolitano pri-
uat⁹, haud ignorabat, quã difficile es-
set belligerari aduersus Põtifices Ro-
manos, quòd qui id faceret, succūbe-
ret plerūq; aut si vinceret, magno ta-
men cum periculo potiretur victo-
ria: & astu quodam agendum sibi
putabat, quasi in gratiam cum Pon-
tifice

tifice rediturus. Sciarram igitur in Italiam clàm ablegabat; qui cum Anagniam venisset, & Pontificem in ea vrbe reperiret, conuocatis aliquot amicis noctu eundem capiebat. Et quanquam rursus liberabatur Pontifex à ciuibus eius vrbis, ita tamen grauitèr molesteque ferebat casum hunc, vt summo cum dolore ac furibundus diem suum obiret.

Fuit hic *Bonifacius* autor anni Iubilæi, Anno Christi, mccc. statuitque vt singulis centenariis annis semel celebraretur. Incidere deinde multæ & variæ dissensiones, inter Guelphos & Gibellinos. Adhæc, quoniam Italia ope & auxilio Imperatoris destituebatur, multæ vrbes & regiones sese in libertatem vindicabant, multæ à tyrannis occupabantur. Succedebat autem Bonifacio

Autor & institum anni Iubilæi.

Benedictus, is purpuratam dignitatem Columnisibus restituebat, Philippum Galliarum Regem ab excommunicatione absoluebat. *Benedictum* sequebatur *Clemens v.* Hic quod Gal-

XI. Pont.

Clemens V. Pont.

Sedes Pontificia in Galliam transfertur.

*Henricus
VII. Imp.*

lus esset natione, sedem quoque Pontificiam transferebat in Gallias, anno salutis humanæ MCCCVI. Desierat interea in viuis esse Carolus II. Neapolis Rex, eiq; successerat Robertus filius, Imperio præerat Henricus Lucenbergensis, is eo animo proficisciebatur Romam, vt diadema Imperii à Pontifice acciperet, tamen si haud ignorabat Pontificem in vrbe non esse, & perturbationem maximam pariebat eius aduentus in Longobardiam. Nam & omnes ex ea proscriptos in integrum restituebat, siue Guelphi essent, siue Gibellini; qui cum rursus sese mutuis cladibus conficerent, ita ea regio implicabatur bello, vt ne Imperator quidem ipse toto cum exercitu suo sufficeret ad sedandum eorum tumultum. Quin Longobardia relicta per urbem Genuam Pisas contendebat; quò cum venisset, vnū hoc animo versabat, vt Tusciam adimeret Roberto. Sed quia consiliis illius non respondebat euentus, iterum petebat Romam, è qua paucos

paucos post dies ab Visinis ope & fauore Roberti eiectus, Pisasq; reuersus, Fredericum Siciliae Regem in Thusciam vocabat, nimirum vt ab eo adiuuaretur, ac minore cum difficultate eam regionem Roberto adimeret. Verum dum hæc aliaq; molitur, vitam cum morte commutabat, Ludouico Bauaro ei in Imperio succedente.

*Ludouicus
I V. Imp.*

Peruenerat ad Pontificatum Ioannes xxii. Nec minus persequetur Guelphos ac Ecclesiam Romanam nouus Imperator, quam superior fecerat: Defendebat tamen illi se aduersus impetum illius, ope Florentinorum & Roberti regis adiuti. Inde bella multa in Longobardia à Viscontis contra Guelphos, in Thusciam à Castrutio Lucensi contra Florentinos. Et quoniam Viscontiorum familia causa fuit ducatus Mediolanensis, vnus scilicet ex quinque iis ducibus, qui totam deinde Italiam gubernarunt, paulò altius repetam eius originem. Cum fœdus iniuissent ali-

*Ioannes
xxii. Pont.*

*Viscontiorum
familia, &
de origine
ducum Me-
diolanensium.*

quot Longobardiæ ciuitates, quem-
admodum suprà dictū est, vt aduer-
sus Fredericum Barbarossam se tuta-
rentur, vrbs Mediolanensis iam dum
à ruinis instaurata, illis ciuitatibus se
adiungebat, reprimebaturq; Barba-
rossæ imperus eo fœdere, & Ecclesiæ
partes per aliquot tēpus in Lōgobar-
dia erant superiores, pōstiis in bellis
& calamitatibus quæ subsequēbātur,
in eadem vrbe Mediolanensi, cœpit
florere familia Torrensium, & magis
magisque adaugebatur eius æstima-
tio, quandiu in illa regione nulla aut
exigua Imperatoris fuit autoritas. Cū
aut in Italiam veniret Fredericus I. I.
& Gibellinorum factio ab Ezelino
adiuaretur, fieretq; potens, æquē
vt altera, passim reperiēbantur qui
huic quoq; factioni fauerēt. Itaq; cum
& Mediolani ex eorum numero es-
sent Viscontii, eiiciebantur ab iisdem
ex ea vrbe Torrenses: Sed haud diu
exulabant; quàm primum enim pax
esset constituta inter Imperatorem
& Pontificem, ipsi quoq; restitueban-
tur

tur pristinæ dignitati. Sede deinde Pontificia in Gallias translata, cùm & Henricus Lucenbergēsis per Italiam faceret iter, vt Romę diadema imperatoriũ acciperet, hospitio excipiebatur Mediolani à Maphęo Viscōtio, & Guidone Tōrensi, viris præcipuis & primariis in iis familiis, ea tempestate. Hic Maphæus existimans se rem gratam Imperatori facturum, si Guidonem rursum eiiceret ex ea vrbe, idq; eo facilius perficere posse, q̃ is Guelphorum sequebatur partes: occasionem sumebat ad eam rem, ex querela plebis de vestitu Germanorum militũ. Pōst cautè singulos hortabatur, vt armis arreptis imperium barbarorum hominum excuterent, seq; in pristinam libertatem vindicarent. Hoc cōsiliũ cum rectè & ex animi sententia ei succederet, curabat vt à cōfœderatis quibusdam tumultus excitaretur, vtq; vniuersus populus arma arriperet aduersus Germanos. Nihil tamē hostiliter agebatur, antequā Maphæus cum filiis suis cæ-

terisq; omnibus, qui eius factionis erant, armati ad Imperatorem accurrerent, & culpam omnem seditionis in Torrenses reiicerent: nam & illis dolere inter priuatos esse in ea vrbe, & occasione data voluisse illum ex improviso opprimere, vt Italiã Guelphis subiicerent, & ipsi principatu eius vrbis potirẽtur. Interim bono animo debere eum esse aiebant: Si enim copiis illorum ipse suas adiungeret, nulla in parte se ei defuturos. Credebat Henricus vera esse ea quæ Maphæus dixerat, suasq; vires illius viribus iungebat, post impetum faciebant in Torrenses, qui hinc inde erant sparsi in ciuitate, vt seditionem exortam reprimerent, & quoscunq; ex eorum numero adoriebantur, interficiebant, aut omnibus fortunis exutos in exilium mittebant. Adeum modum efficiebatur Maphæus Mediolani dominus, quem secutus est postea ex ea familia Galeazius & Azo; hos Luchinus & Ioannes; ac fuit Ioannes Archiepiscopus in ea vrbe,
Luchi-

Luchinus qui pri⁹ moriebatur quàm Archiepiscopus, Barnabam & Galeazium relinquebat: tandem etiam Galeazius obibat diem, relicto Ioanne Galeazio Comite, cognomento Virtuoso. Hic, mortuo Archiepiscopo, fraude interficiebat Bernardum patruelem suum, & solus potiebatur Mediolano, fuitq; primum omnium eius vrbis dux appellatus. Moriens relinquebat hæredes duos, Philippum & Ioannem Mariam Angelum, qui cum à plebe Mediolani interficeretur, solus rerum potiebatur Philippus, in quo tandem etiam desit administratio illius ducatus in familia Viscontiorum, quia nullos hæredes masculos relinquebat: & ad Sforzas transferebatur, quemadmodum suo loco exponemus. Vt igitur reuertar vnde sum digressus: Cum Ludouicus Imperator in Italiam venisset vt diademate Imperiali ornaretur, atq; eos confirmaret, qui partium illius essent, Mediolani commorans, & occasionem nactus, vt ciuitatem

H

terisq; omnibus, qui eius factionis erant, armati ad Imperatorem accurrerent, & culpam omnem seditionis in Torrenses reiicerent: nam & illis dolere inter priuatos esse in ea vrbe, & occasione data voluisse illum ex improviso opprimere, vt Italiã Guelphis subiicerent, & ipsi principatu eius vrbis potirẽtur. Interim bono animo debere eum esse aiebant: Si enim copiis illorum ipse suas adiungeret, nulla in parte se ei defuturos. Credebat Henricus vera esse ea quæ Maphæus dixerat, suasq; vires illius viribus iungebat, post impetum faciebant in Torrenses, qui hinc inde erant sparsi in ciuitate, vt seditionem exortam reprimerent, & quoscunq; ex eorum numero adoriebantur, interficiebant, aut omnibus fortunis exutos in exilium mittebant. Ad eum modum efficiebatur Maphæus Mediolani dominus, quem secutus est postea ex ea familia Galeazius & Azo; hos Luchinus & Ioannes; ac fuit Ioannes Archiepiscopus in ea vrbe,
Luchi-

Luchinus qui pri⁹ moriebatur quàm Archiepiscopus, Barnabam & Galeazium relinquebat: tandem etiam Galeazius obibat diem, relicto Ioanne Galeazio Comite, cognomento Virtuoso. Hic, mortuo Archiepiscopo, fraude interficiebat Bernardum patruelem suum, & solus potiebatur Mediolano, fuitq; primum omnium eius vrbs dux appellatus. Moriens relinquebat hæredes duos, Philippum & Ioannem Mariam Angelum, qui cum à plebe Mediolani interficeretur, solus rerum potiebatur Philippus, in quo tandem etiam desit administratio illius ducatus in familia Viscontiorum, quia nullos hæredes masculos relinquebat: & ad Sforzas transferebatur, quemadmodum suo loco exponemus. Vt igitur reuertar vnde sum digressus: Cum Ludouicus Imperator in Italiam venisset vt diademate Imperiali ornaretur, atq; eos confirmaret, qui partium illius essent, Mediolani commorans, & occasionem nactus, vt ciuitatem

illam argento emungeret, simulabat
se eam restitutorū pristinæ libertati,
& Viscontios in carcerē coniiciebat,
quos tamē paulò pòst Castrutius Lu-
cēsis liberabat. Romam deinde pro-
fectus, quò facilius Italiam vniuer-
sam turbaret, Antipapam creabat Pe-
trum Cornaram, eiusque autoritate
& potentia Viscontiorum fretus, ex-
istimabat haud difficile sibi futurum,
vt quos vel in Longobardia vel in
Thuscia haberet hostes, eorū omni-
um vires & potentiam frangeret. Ve-
rum moriebatur Castrutius, fuitque
eius mors causa & initium calamita-
tum Ludouici. Nam Pisæ, & Luca
vrbes statim illi rebellabant, & Pisa-
ni Antipapam captum mittebant in
Gallias, ipse de rebus Italicis despe-
rans in Germaniam reuertebatur.
Vix autem egressus erat indè, cum
in eam veniebat Ioannes Bohemiæ
Rex, accersitus ab iis qui in vrbe Bri-
xiensi Gibellinorum factionem se-
quebantur, eamque urbem occu-
pabat, præterea & Bergomum. Et
quo-

IMPÈRII ROMANI. 115

quoniam consentiente Põtifice venerat, tametsi Põtifex id negaret, iuvabatur à Legato Bononiensi, qui hoc optimum censebat remedium, ne in Italiam reuerteretur Imperator, fecitq; hic discessus illi⁹ in eas maximas mutationes. Cùm enim Florentini & Rex Robertus viderēt Gibellinos adiuuari à Legato Põtificio, omnes eos habebāt pro inimicis, quibus vel Legatus Bononiensis vel Bohemiæ Rex amicus esset: & multi alii Italiæ principes his se adiungebant, nullo vel Guelphorū vel Gibellinorum habito respectu, vt Viscontii, Scaligeri, Philippus Gonzaga Mantuanus, Carrarienses itē & Estenses, quos omnes excommunicabat Pontifex. Rex, quod foedus illud metueret, domum proficiscebatur maiores copias collecturus. Quas etsi paulò post adducebat in Italiam, tamē cum difficile illi esset vincere, diffidens rebus suis, contra voluntatem Legati Pontificii rursus se in Bohemiam recipiebat, Regio & Mutinæ tantum

præsidio imposito. Parmam cōmendabat Marsilio & Petro Rossensi, viris potentissimis in ea ciuitate. Rege ex Italia egresso, Bononia quoq; confœderatis se iungebat, & ita conueniebat inter illos, vt ex quatuor illis ciuitatibus, quæ adhuc Ecclesiæ sequebantur partes, Parma Scaligeris cederet, Regium Gonzagæ, Mutina Estensibus, Luca deniq; Florentinis. Sed multa bella sequebantur ex ea ciuitatum distributione, quæ tamen maxima ex parte ope & prudētia Venetorum sunt sopita.

*Origo achi-
storia condi-
ta urbis Ve-
netæ.*

Ac ne mirum alicui videatur, cur in his tantis & variis mutationibus, quæ in Italia acciderunt nullam vniquam hætenus Venetorum fecerim mentionem, cum Rem publ. habeāt cæteris Italiæ ducatibus forma simul ac potentia præstantiorem, dicam aliquid de origine illorum, & ostendam, cur ante se non immiscuerint rebus Italiæ afflictis. Quo tempore Attila Hunnorum Rex Aquileiam obsidebat, qui in ea erant ciues, cum iam

iam diu se defendissent, & de salute sua desperarent, quantum occasio patiebatur, omni cum supellectile & thesauro suo confugiebant ad scopulos æstuariorum maris Adriatici, vacuos alioquin & à nemine inhabitatos. Patauini quoque hoc vicino malo perterriti, & quod metuerent ne Aquileia potius Attila, eos quoq; opprimeret, res suas, quæ momenti alicuius essent, asportabant in eadem æstuarium maris, in locum quendam, cui nomen erat Riua alto. Quinetiam infantes suos mittebant eò, fœminas item ac homines senio confectos, iuventute ad urbis defensionem seruata. Illi præterea, qui montem Silium vicinosq; colles inhabitant, æquè metu perculsi, ad eosdem maris scopulos sese recipiebant. Capta itaq; ab Attila urbe Aquileia, & deuastato Patauio, monte Silio, Vicentia & Verona, Patauini & potentissimi quiq; paludes Riua altum ambientes incolabant. Sed & illi populi, qui loca huic prouinciæ, quæ Venetia olim appel-

labatur, vicina tenebant, in easdem paludes sese receperant, iisdem de causis, quibus alii, & amœnissimis fertilissimisq; locis relictis necessitate urgente, sterilia, inamœna, omnisque commoditatis expertia inhabitabant. Erat illorū ingens numerus, & ex variis populis collectus. Quare intra paucos annos ita ab iis excolebantur ea loca, vt nō solum cōmodè inhabitari possent, verum etiā vt essent amœnissima. Cōdebant & leges inter se, ac in illa Italiæ deuastatione tranquillissimè viuebant. Deniq; exiguo temporis spatio potētia simul ac autoritate augebantur: Nam & alii multi sese iis adiungebant ex Longobardiæ ciuitatibus, propter Clephi Regis crudelitatem, eaq; res maximo adiumento erat vrbi Venetę, & tanto quidem, vt cum postea Pipinus Galliarum Rex, inuitatus à Pontifice, Longobardos ex Italia eiicere conaretur, facta inter eum & Imperatorem Græcorum pace, Veneti & Beneuenti Dux eo in statu relinqueretur

tur

tur ab iisdē, vt neutrius cogerētur se-
 qui partes, intermediū inter illos sua
 libertate gauderent. Quēadmodum
 autem necessitas initio coëgerat eos,
 vt in iis maris lacunis & æstuariis se-
 des suas figerent, sic cum nullum aut
 exiguum in continenti terra habe-
 rent imperium, eadem planè neces-
 sitas causa illis erat cogitandi, qua ra-
 tione atq; modo se familiasq; suas ho-
 nestè sustentarēt. Itaq; ad diuersas or-
 bis partes nauigātes, variis mercium
 generibus urbem suam adimplere
 cœperunt. Quibus cum alii opus ha-
 berent, qui continentē inhabitarent,
 necessum erat iis ad urbem hanc cō-
 fluere, illarum comparandarū causa.
 Ac diu quidem nulla alia de re magis
 solliciti erāt Veneti, quā vt quā fa-
 cilimè possēt merces illas ad urbē suā
 perferre: ideoq; port^o cōplures occu-
 pabant in Græcia simul & Syria. Post-
 ea cum Gallos in Asiam irruētes clas-
 se sua adiuvarent, præmii loco Can-
 diā Insulam cōsequebantur. Ad eum
 modum viuentes longè lateq; domi-

nabantur in mari, in ipsa autem Italia
tam venerabile erat illorum nomen
& autoritas, vt sæpè maximarum cō-
trouersiarum, quæ inter alios incidis-
sent, arbitri eligerentur. Vt in ea con-
fœderatorum dissensione, qua de iu-
risdictione locorum quorūdam dis-
ceptabatur. Nam & hæc compone-
batur à Venetis, & censura ac iudicio
illorum, Bergomum & Brixia ciuita-
tes Viscontiis tribuebantur. Cum ve-
rò temporis progressu Patauium, Vi-
centiam & Teruissium dominio suo
adiecissent, nec ita multò pòst Vero-
nam, Bergomum & Brixiam multas-
que alias ciuitates in Romandiola &
in regno Neapolitano, stimulatī cu-
piditate imperandi cōcreuit illorum
fastus ac ambitio, vt non Italis prin-
cipibus tantum, sed vltra montanis
regibus terrori essent: Fecitq; idem
hic illorum fastus, vt exteri isti, fœde-
re contra eos inito, vno die omne il-
lis imperium adimerent, quod vix
multorum annorum spacio sumpti-
bus maximis parauerant. Et quan-
quam

quam nostra hac ætate partem aliquam illius recuperarint, tamen neque ita potentes sunt, ut olim, neque tanta in autoritate apud alios, & more aliorum principum Italię nunc uiuunt. Peruenerat ad Pontificatum Benedictus XII. is cum intelligeret omnem sibi potestatem imperandi in Italia ademptam, cumq; vereretur ne Ludouicus Imperator eam acquireret, cogitabat se posse amicitia sibi deuincire in ea illos, qui occupauerant loca Imperatori subiecta, si ansam illis præberet metuendi Imperii, seq; coniungendi cum ipso ad defensionem Italię. Quare edicto facto, omnibus qui Longobardię partes occupauerant, concedebat, uti eas retinerent, modò iusto aliquo ac honesto prætextu id fecissent. Quod dum agit, moritur, succedente Clemente VI. ubi cùm Imperator videret quàm liberaliter aliis donasset Imperii vrbes Pontifex, ne ipse minus liberalis esset in donandis rebus alienis, quàm ille, eadem planè ratione permitte-

*Benedictus
XII. Pont.*

*Clement
VI. Pont.*

*Imperator
fenda cōstl-
ruit in Ita-
lia. Fuit au-
tem Carolus
IV.*

bat, vt quod quisque occupasset ex Ecclesiæ Romanæ bonis, iussu & auctoritate ipsius retineret. Sic Galeotus Malatesta, eiusq; fratres Arimino potiebantur: Pisauo item & Fano, Antonius Montefeldrensis Marchia Anconitana, & Urbino oppido, Gētilis Varanius Camerino, Guido Potentus Rauenna, Sinibaldus Orde-
laffus Foroliuii & Cesena, Ioannes Manfredus Fauentia, Ludouicus Alidosus Imola. Multi præterea aliis in locis loca multa consequiebantur, vt ex omnibus iis quæ Ecclesiæ fuerant subiecta, pauca admodum restarent, quæ principem aliquem non agnoscerent. Sic fractæ vires Ecclesiæ Romanæ, mansere debiles vsque ad Alexandri VI. tempora, qui nostra hac ætate tandem recollegit eas, magna cum infamia, suorum successorum. Commorabatur autem Tridēti Imperator, cū hæc cōcederet, seq; in Italiam venturum simulabat, vnde bella multa & dissensiones in Longobardia, quibus Parma ciuitas in
Viscon-

Viscontiorum venit potestatem ac imperium.

Eodem tempore diem suū obibat Robertus Neapolis Rex, relictis post se duabus neptibus ex filio Carolo, iamdum antea mortuo. Caue-
rat autem testamento, ut maior natu, Ioāna nomine, in eo regno succederet, nuberetq; Andree Regis Hūgarie filio, nepoti illius. At non diu in matrimonio habuerat eam Andreas, cum ab ea interficitur, & illa alteri cuidam nubit, cognato suo, Ludouico principi Tarentino. Quāobrem ut tantum facinus vlciscerentur Ludouicus Hungarie Rex, eiusq; filius, Andree extincti frater, ducto in Italiam exercitu reginam simul cum marito è regno Neapolitano eiiciebant. Accidit sub idē tempus res mira in vrbe Romana, & digna quę memoretur: Nicolaus quidam, *Laurēti-*
us cognomento, Capitolii Cancellarius, eiectis ex vrbe senatoribus, Tribunū se faciebat, caput nimirū Reipubl. Romanę, eamq; ad antiquum

statum reducebat tanta cum opinione iustitiæ & virtutis, vt non solum loca vrbi vicina, sed vniuersa prope modum Italia ei gratularetur per legatos, & prouinciæ, quæ olim subiectæ vrbi fuerant (quia iam renatam quodammodo eam videbant) spem maximam de eo concipiebant. Deniq; alii metu, alii spe quadam & expectatione alicuius emolumenti eum honorabant. Interim ille nihil mouebatur ista autoritate, quin statim se abdicabat magistratu, & negotiorum mole fatigatus, neve ab aliquo opprimeretur, clam ad Carolum Bohemiæ Regem confugiebat. Qui cum in odium & inuidiam Ludouici Bauariæ Ducis à Pontifice Imperator esset electus, vt vicissim rē gratam faceret Pontifici, Nicolaum illi mittebat captiuum. Interiecto deinde aliquot annorum spacio, exemplo huius, de quo iam diximus, alius quidam Franciscus Baroceglius nomine, idem officium Tribunatus sibi sumebat in vrbe Romana, senatoribus

bus

bus eiectis : Quare vt huic malo remedium adhiberet Pontifex, liberatum à carcere Nicolaum, pristinaq; libertati restitutum, Romam redire iubebat, & vt antè dignitate Tribunitia perfrui. Ac sane recuperabat eam Nicolaus interfecto Francisco: verum cum in odium Columnensium incidisset, ipse quoque haud ita multo post interficiebatur, & munus gubernandæ Reipub. Romanæ post obitum illius iterum demandabatur senatoribus. Eiecerat interea è regno Neapolitano Ioannam Reginam, vt dixi, Hungariæ Rex, iamq; domum reuertebatur, vbi Pontifex Romanus (quod Reginam potius quam ipsum Romæ cuperet vicinum) agebat cum eo, vt regnum ademptum restitutum se reginæ polliceretur, si maritus eius titulo Ducis Tarentini contentus, Regis Neapolitani carere velleret. Agebatur autem tum annus Christi, M C C C L. & commodum videbatur Pontifici, vt annus Iubilæus à Bonifacio VIII. institutus, è cen-

*Annus Iubilæus à 100.
ad 30. annis
reducitur.*

tesimo ad quinquagesimum quenuq;
annum reduceretur. Quare decre-
to ea de re facto, Romani ob hoc be-
neficium illis præstitum, consencie-
bant, vt Pontifex Cardinales quatuor
ad vrbem mitteret, qui statum Rei-
pub. collapsæ emendarent, qui ve ad
arbitrium Pontificis senatores con-
stituerent. Restituebat insuper hic
Pontifex Duci Ludouico titulū Re-
gis Neapolitani : contrà Ioanna eius
vxoꝝ ciuitatem Auenionem dona-
bat Ecclesiæ Romanæ, quam iure he-
reditario possidebat. Iam verò mor-
tuus erat Luchinus Viscontius, ac
Ioannes Archiepiscopus solus poti-
tus Mediolano, bella maxima mo-
uebat in vniuersa Thuscia, præcipuè
vicinis, fiebatq; potentissimus. Quo
similiter mortuo, erant ex ea familia
superstites Barnabas & Galeazius e-
ius nepotes, sed paulò post Galeazius
quoq; exinguebatur, relicto filio Io-
anne Galeazio, qui omnem statū ac
imperium familiæ illius cum Barna-
ba diuidebat.

Præ-

Præerat adhuc ea tempestate imperio Romano Carolus Bohemiæ Rex, sedi Apostolicæ, Innocentius VI. Is Cardinalem quendam Hispanum, Ægidium nomine, in Italiã ablegabat, qui virtute & prudentia sua non in Romandiola tãtum ac in vrbe Roma, verum in vniuersa Italia collapsam Ecclesiæ autoritatem restituebat, ciuitatẽ Bononiensem recuperabat, quã (vt antè admonui) Archiepiscopus Mediolanensis occupauerat. Cogebat insuper populum Romanum, vt Senatorem peregrinum susciperet, eum scilicet, quem annuatim mitteret Pontifex. Inibat honestissimas conditiones pacis cum Viscontiis: Deniq; Ioannẽ Argutum Anglum 4000. Anglorum partes Gibellinorum defendentem, in Tuscia capiebat. Itaq; cum postea ad Pontificatum perueniret Urbanus V. atq; intelligeret tot victorias illius & res laudabiliter ab eo gestas, ipse quoq; auidus videndi renouatum Italiæ statum, Romã con-

Innocentius
VI. Pont.

Urbanus
V. Pont.

Gregorius
XI. Pont.
Schisma.

tendebat cum Imperatore Carolo: ubi per aliquot menses ambo commorati, Carolus in regnum Neapolitanum reuertebatur, Pontifex Auenionem. Mortuo hoc Urbano, creabatur in Pontificem Maximum Gregorius XI. Sed quoniā Ægidius Cardinalis è viuis erat sublatus, iam rursus diffensionibus feruebat Italia: cuius illi erant autores, qui aduersus Viscontios conspirauerant. Quare nouus Pontifex primum omniū Legatum in eam mittebat cum exercitu 6000. Britannorum: Ipse deinde Legatum securus sedem Pontificiam in urbem Romanam reducebat, Anno Christi, M C C C L X X V I. cum annis L X X V I. eadem fuisset in Galliis. Succedebat huic Pontifici Urbanus VI. nec ita multò post creabatur Clemēs VIII. Fundi, à Cardinalibus 10. qui negabant Urbanum legitimo more electum esse. Genuenses diu iam Viscontiorum imperio subiecti, sub id ferè tempus rebellare illis cœperunt, seq; in pristinam libertatem asserere.

Quin

Quinetiam inter hos & Venetos bellum maximum mouebatur ob Tenedon Insulam, vnde nouæ factiones in vniuersa Italia, vbi primum omnium conspectæ machinæ bellicæ, quas *Bombardas* vocant, recens Germanorum inuentum. Ac quanquam in eo bello initio superiores essent Genuenses, urbemq; Venetam per aliquot menses obsidione præmeret, postremò tamen Veneti victoria potiebantur, & pax firmata est inter eos & Genuenses, per Pontificem, anno Christi MCCCXXXI. Orto in Ecclesia schismate, vt antè dixi, Ioanna Neapolis Regina sequebatur noui Pontificis partes, quare Urbanus Pontifex instabat vt regnum Neapolitanum à Carolo Durerio occuparetur; homine ex antiqua Regum Neapolitanorum familia prognato: Quod cum hic faceret, & pro suo vteretur, illa in Gallias fugiebat. Ferebat autè indignissimè hoc factum Galliarum Rex, & Ludouicum Angium in Italiam ablegabat, qui & regnum Regi-

*Bombarda
primum o-
mnium in
Italia con-
specta.*

nā recuperaret, & Urbanum Romā eiiceret; subrogato Antipapā in eius locum. Verum dum hoc molitur, Angius fato cedit, dissipatur eius exercitus, & milites in Gallias sese recipiunt. Interea Pontifex Neapolim proficiscebatur, vbi in carcerem cōiiciebat Cardinales nouem, Galli & Antipapæ partes secutos, pōst etiā regi incipit irasci, quod is recusasset quendam ex nepotibus ipsius ducem Capuæ creare: dissimulabat tamen iram istam, & petebat vt Nuceriam vrbem saltem ei concederet; quam cū obtineret, statim eā muniebat, & hoc vnum moliebatur, vt regem ex eo regno eiiceret. Re intellecta exercitū colligebat Rex aduersus Pontificem, eiq; bellū denunciabat. Pontifex Genuam se conferebat, vbi sublatis è medio Cardinalibus captiuis, Romam reuertebatur, rursūque creabat Cardinales xxviii. numero, scilicet, vt auctoritatem nouam sibi compararet. Carolus relicta Neapoli vxore & Ladislao

dislao ac Ioanna liberis, in Hungariam proficiscitur, eoque regno inauguratus, paulò post diem suum obit. Dum hæc ita ordine geruntur, interfecerat Ioannes Galeazius Viscōtius nepotem suum Barnabam, & solus Mediolano potiebatur. Nec satis erat illi ducē esse vniuersę Lōgobardię, quin etiam Thusciam occupare volebat: quod dum agit, potiundę totius Italię spe, ipse quoq; moritur. Urbano VI. succedebat Bonifacius IX. *Bonifacius IX. Pont.* Clementi VII. Antipapæ Auenione Benedictus XII.

Erat tunc Italia referta milite peregrino, Anglo, Germano, & Britanno, qui sub variis principibus externis in eam venerat: partim etiam à Pōtificibus missus, cū Auenione degerent. Eo igitur tunc ut plurimum utebantur in bellis Italię principes, vsque ad Ludouici Conii tempora: is enim postea rursus ex Italo milite exercitum conscripsit sub titulo S. Georgii: cuius tanta fuit virtus & disciplina militaris, ut exiguo tempo-

ris interuallo omnem gloriam militibus externis adimeret, suam Italiam restitueret, eoque solo visi sunt deinceps Italiae principes, si quod bellum inter eos gerebatur. Cæterum male conueniebat Pontifici cum populo Romano: Quare Assisum profectus commorabatur ibi, donec annus Iubilæus instaret Christi M C C C C. Vbi ut in urbem rediret Pontifex, Romani ultro recipiebant externum senatorem, quem ipse vellet. Permittebant etiam ei, ut Castrum S. Angeli munit. His pactiõibus reuersus Pontifex, quo opes Ecclesiæ augeret, decretum faciebat, ut omnium vacantium beneficiorum redditus ad annum unum fisco Pontificio cederent. Vita functo Ioanne Galeazio Mediolani duce, status eius ducatus in partes plurimas scindebatur, tametsi duos reliquisset filios, Ioannem Mariam Angelum, & Philippum. Nam in his dissensionibus, quæ mortem eius sequebantur, etiam Ioannes Maria Angelus, vitam cum morte commutabat,

bat, Philippus captus Ticini in arce detinebatur aliquandiu, sed fide & auxilio præfecti euadebat. Inter alios multos, qui ciuitates illas & oppida occupauerant, quæ pater olim ipsorum possederat, erat Guilelmus Scalligerus: Hic proscriptus confugiebat ad Franciscum Carraram Patauii dominum, & adiutus ab eo, ciuitate Veronensi potiebatur. Verum non erat diuturnum hoc Imperium illius & potestas: necabatur enim à Francisco veneno, ac vitam simul cum ciuitate amittebat. Vicentini, qui hætenus sub Viscontiis tranquillè & pacificè vixerant, ne potentia reguli Patauini ipsis quoq; noceret, in clientelam Venetorum se dabant. Sic adiuti à Vicentinis Veneti, primum urbem Veronam occupabāt, post etiam Patauio potiebantur. Iam verò defierat in humanis esse Bonifacius Pōtifex, eratq; in locum illius suffectus Innocentius VII. Huic senatus populusq; Romanus supplicabat, vt castrum antè ablatum & munitum simul cum li-

*Innocentius
VII. Pont.*

bertate pristina illis restitueret, sed frustra hæc canebantur Pontifici, & populus Roman⁹ Ladislai regis Neapolitani implorabat opem: Lite deinde inter eos sopita, in urbem redibat Pontifex, è qua metu & terrore ciuium Viterbium confugerat, eoq; in loco nepotem suum Marchiæ Anconitanæ fecerat Comitem, nec ita multò post exinguebat. Creabatur eo mortuo in Pontificem Maximum Gregorius XII. ea lege & conditione, vt si Antipapa renunciaret dignitati Pontificiæ, ipse quoque eidem renunciaret. Ac sanè tantum laborabatur eo tempore à Cardinalibus in reducenda ad vnionem Ecclesia, & tollendo schismate, vt Benedictus Antipapa ad portum Veneris veniret, Gregorius XII. Lucam: cumque multa hinc inde inter eos tractarentur, nec tamen certi quicquam decerni posset, vtrunque semoueabant Cardinales dignitate Pontificia, & Benedictus in Hispaniam proficiscabatur, Gregorius Ariminum. Sua
 su de-

*Gregorius
 XII. Pont.*

Et deinde a hortatu Balthasaris Cossæ Bononiæ Legati iidem Cardinales Concilium cogeant Pisus, in quo Pontificem maximum creabant

Alexandrum v. Qui ad eam dignitatem euectus, regnum Neapolitanum Ludouico Angio concedebat,

*Alexander
V. Pont.*

excommunicato Ladislao: præterea bellum eidem Ladislao mouebat, pa-

cto fœdere cū Florentinis, Genuensibus, Venetis & Legato Bononiensi,

urbem Romam capiebat, tādē moriebatur in medio belli ardore, eius-

que in locum subrogabatur Balthasar Cossa, *Ioannes XXIII.* appellatus.

Ioannes

Hic Bononiæ electus statim ad urbem contendit, vbi cū Ludouicum Angium reperiret iam tūc à

*XXIII.
Pont.*

Marsilia reuersum cum classe, & in eum casum ambo inciderent, vt

cum Rege Ladislao manus illis conferendæ essent, per rumpebant qui-

dem illius exercitum, sed quod haberent parum exercitatos naucleros,

victoria cadebant. Ita Rex paulò post iterum potiebatur vrbe Roma-

Sigismundus Imp.

na, Pontifex Bononiam confugiebat, Ludouicus in Prouinciam. Vt autem Ladislai Regis potentiam frangeret Pontifex Romanus, omnē lapidem mouebat, vt Sigismundus Hungariæ Rex Imperator crearetur, eoq; in Italiam accersito, Mantuæ cum eo agebat de Concilio generali indicendo, quo ad concordiam redacta Ecclesia, ab hostibus suis facilius defenderetur. Erant itaq; eo tempore Pontifices numero tres, Gregorius, Benedictus, & Ioannes, quorum odio & dissensione valdè frangebantur Ecclesiæ vires, ac imminuebatur auctoritas. Locus Concilio designabatur Constantia, Germaniæ vrbs, præter expectationem & voluntatem Ioannis Pontificis. Et quamuis inopinata Ladislai morte omnis spes & emolumentum adimebatur Pontifici, quod ex eo Concilio accepturum se sperabat, quia tamen iam consenserat in illud, non poterat facere, quin ipse quoq; eidem interesset. Itaq; Constantiam veniens, & post aliquot menses

ses ferius (vt dici solet) quàm decebat, errorem suum agnoscēs, fugamque indè meditās, captus cogeatur dignitati Pontificiæ renunciare. Renunciabat & Gregorius eidem per Legatum quendam. Benedictus qui renunciaturum se negabat, primum pro hæretico declarabatur, deinde cum etiam ab iis Cardinalibus defereretur, qui partes illius hætenus secuti erant, tandem similiter adigebatur ad renunciationem, & creabatur à Cōcilio Pontifex Maximus Ottho Columnensis genere, eiq; nomen indabatur Martino v. Hac via atq; ordine ad vnionem & concordiam reducebatur Ecclesia, cum annis x l. distracta scissaque in plures & varios Pontifices fuisset.

Tres Pontifices Romani simul dignitate præsenti.

Martinus V. Pont.

Sub hæc tempora ferè Philippus Viscontius in arce Ticini detentus, vt antè dixi, fortuna maxima augebatur. Cum enim diem obiisset Fantinus Canis, qui in iis, quas recensui, Longobardiæ calamitatibus & ærumnis, Vercellas, Alexandriam, No-

uariam & Tortonam ciuitates occupauerat , ac liberos nullos reliquisset , ad quos bona eius deferrentur , Beatricem coniugem suam instituerat hæredē , caueratq; vt illa post obitum suum eidem Philippo nuberet. Hoc igitur matrimonio Mediolani dux fiebat Viscōtius , & vniuersa Lōgobardia potiebatur. Ac initio quidem summam beneuolentiā & amorem sibi cōciliabat apud omnes munificentia & liberalitate sua , vt plerūque solent tales principes: post stupri accusabat Beatricem coniugē , eamq; interfici iubebat. Adeum modū factus potentissimus , cogitabat , quo pacto Thusciæ quoque bellum inferret , & Ioannis Galeazii parentis sui vestigiis insisteret. Reliquerat Ladislaus Neapolis Rex , è viuis decedens , sorori suæ Ioannæ maximum exercitū , eiq; præstantissimos quosq; Italiæ præfecerat , inter quos principem locum obtinebat Sforza Cātignolius , homo ea ætate peritiss. in re militari. Hic Regina vt suspicio-

nem

nem omnē à se amoueret, in quā incidere poterat, ob Pandolphū quendam, quem in aula sua habebat à pueritia in eadem educatum, nubebat Iacobo Marchiæ Comiti, Gallo natione, & ex regia stirpe prognato, ea lege & pactione, vt is titulo Principis Tarentini contentus, regni Neapolitani titulū omnēq; eius administrationem sibi soli relinqueret. Verum statim vt Neapolim appulit Iacobus, rex ab exercitu salutabatur, vnde bellum inter eum & uxorem planè dubio euētu. Ac vincebat quidem regina, regnoq; seruato Pontifici quoq; indicebat bellum: Sed Sforza, vt eam in periculum coniiceret, stipendio suo renunciabat, cum illa nihil tale facturum eum cogitaret. Qua sanè re damno maximo afficiebatur, & quia nullum aliud remedium reperiēbat, quo malū hoc repelleret, ad Alphonsū Arragoniæ & Siciliæ Regem confugiebat, eoque in hæredem adoptato, Braccii de Montone operam conducebat, qui

& par Sforzæ iudicabatur peritia rei
militaris, & hostis capitalis erat Pon-
tifici, quod is illi urbē Perusinam ade-
misset. Quāquam autem pax iterum
deinde facta est inter Reginam & Pō-
tificem, metuebat tamen Alphōsus,
ne eodem quoq; modo secum ageret
Regina, quo cum marito egerat an-
tea, & operam dabat, vt munitissima
queq; regni Neapolitani loca astu oc-
cuparet. Illa contrā non minus astuta
atque sagax arcem Neapolitanā mu-
niebat. Cum igitur magis magisque
inter eos augeretur suspicio ac simul-
tas, ad arma deueniebatur, & vince-
bat Alphonsum regina, duce Sforza;
is enim iterum iam militabat sub sti-
pendiis illius: Victum regno eiicie-
bat, adoptione priuabat, Ludouicum
Angium eius in locum adoptabat.
Vnde nouum bellū inter Braccium,
qui Alphonfi partes erat securus, &
Sforzam reginæ præfectum. Quod
dam geritur inter eos, dumque Sfor-
za ad P. scaram flumen traicit, ina-
quis perit. Iterum igitur destitueba-
tur

tur regina præfecto, ac paululum ab-
erat, quin regno eiiceretur, nisi ope
& auxilio Philippi Viscontii Medio-
lani ducis fuisset adiuta: hic enim eò
redigebat Alphonsum, ut in Arrago-
niam se reciperet. Interim Braccius
nihil movebatur eò Alphonsi disces-
su, & bellum semel cœptum aduer-
sum Reginam vrgebat. Iamq; Aquilam
occupauerat, cum Pontifex præ-
iuderet, quanto in periculo versaretur
Ecclesia Romana, si potētia Brac-
cii augeretur. Quare exercitu suo
præficiebat Franciscum Sforzæ fili-
um, qui ad eādem deinde ciuitatem
Braccium simul interficiebat, & ex-
ercitum illius in fugam vertebat. Re-
stabat adhuc à parte Braccii Otho e-
ius filius, cui Perusina vrbs antè à Pō-
tifice erat adempta, Mōtone relicta:
verum hic quoque interficiebatur
paulò pōst in Romandiola, cum Flo-
rentinorum defenderet partes, o-
mnisq; Braccianorum defensio & ad-
ministratio rei militaris ad Nicolaū
quendam deuolvebatur, cognomē-
to Paruum.

Igitur ex præcipuis Italiæ regionibus eo tempore regnum Neapolitanum obtinebat Regina Ioanna 11. eius nominis : Marchia Anconitana, patrimonium Petri, vt vocant, & Romandiola partim Ecclesiæ Romanæ erant subiecta; partim ab aliis tenebantur : qui cum aliquando præfecti fuissent illorum locorum, eadē tyrannide sua occupauerant: Ferrariam, Mutinam & Regium Estenses: Fauentiam Manfredii: Imolam Alodofii: Forumliuii Ordelaaffii: Ariminum ac Pisaurum Malatestæ: Camerinum denique Varanii. Suberat Longobardia partim duci Philippo, partim Venetis, erantq; eiectæ ex ea omnes familiæ illustres, vna Gonzagarum familia excepta; hæc enim Mantuā adhuc retinebat. Thuscis bona ex parte dominabātur Florentini. Luca tantum & Sena veteti iure vtebantur: sed Luca à Guinici regebatur, Sena libertate sua gauderat, Genuensium, quòd nunc libertate pristina vterentur, nunc regum

gum Galliæ aut Viscontiorum imperio essent subiecti, nulla erat autoritas, & inter minores Italiæ status numerabantur, denique præcipui quique Italiæ principes ac familiæ, armis propriis erant exuti. Latebat domi Dux Philippus, & quæ gerebat bella, ea per alios administrabat. Veneti in continenti dominium quærentes, omnem gloriâ amittebant, quam bello nauali comparauerant, & vt reliqui Italiæ principes, exercitus suos aliorû gubernationi committebant. Pótifex Romanus, & Ioanna Neapolis Regina, partim sexu, partim religione impediabantur, quo minus arma sumerent, & necessitate quodammodo cogeantur, vt id facerent, quod alii spe vana ac inani fecerant. Quin etiam Florentini eadē necessitate vrgebantur: Cùm enim ob frequentem mutationem status, maior pars nobilitatis illorû interiisset, & Resp. ab iis administraretur, qui à teneris, quod aiunt ad mercaturam potius, quàm ad arma essent adfuefa-

*Vires Italia
fracta.*

etiam, ipsi quoque eandem fortunam
 experiebantur, quam alii. Breuiter,
 ac ut vno verbo dicam, omnis Italæ
 vis belli & potestas, aut à Regulis pē-
 debat, aut ab iis, quorum nulla ferè
 erat potentia vel autoritas. Reguli
 nulla gloria accendebantur, sed toti
 in eo erant, ut tranquillè vterentur
 rebus suis, vel si possent, eas auge-
 rent: Alii non admodum versati in
 magnis & arduis rebus, quæstui in-
 hiabant, aut cum quæstu simul au-
 toritatem aliquam sibi parabant. E-
 rat ex eorum numero Cæmignolus,
 Franciscus Sforza, Nicolaus cogno-
 mento *PARVUS*, alumnus Braccii, A-
 gnolus de Pergula, Laurentius ac Mi-
 chael Attentuli, Tartaglius, Iaco-
 paccius, Ceculinus Perusinus, Nicò-
 laus Tollentinus, Guido Taurellus,
 Antonius de Ponte ad Hieram, mul-
 tique alii, quorum suprà feci mentio-
 nem. Adiunxerant etiam se his Vr-
 sini & Columnenses, urbis Romæ
 Barones, & complures alii nobiles,
 Neapolitani & Longobardi, atque
 ita

DE RVINA IMPERII ROM. 145
 ita conueniebat inter eos, vt & tem-
 pori inferuient omnes, & ex iis à
 quibus bellū aliquod gerebatur, ra-
 rō admodum alter altero esset ſupe-
 rior, æquali propemodum fortuna
 diſcederetur. Denique is erat ſtatus
 rerum in Italia ea ætate, vt ſi quis vel
 mediocriter in re bellica exercitatus
 eſſet præfectus, & in quo ſaltem um-
 bra aliqua veteris virtutis milita-
 ris eluceret, cum ſinguli ad-
 mirarentur.





INDEX RERVM ET VERBORVM, IN HOC tractatu contentorum.

A.

<i>Adolphus Imperator</i>	<u>69, 104</u>
<i>Agapetus II. Pontifex</i>	<u>71</u>
<i>Alboinus Longobardorum Rex</i>	<u>54</u>
<i>Alexander II. Pontifex</i>	<u>72</u>
<i>Alexander III. Pontifex</i>	<u>83</u>
<i>Alexander V. Pontifex</i>	<u>135</u>
<i>Alexandrina urbis initium</i>	<u>86</u>
<i>Anglia</i>	<u>37</u>
<i>Anni Iubilai autor & initium.</i>	107
<i>Annus Iubilæus à 100. ad <u>50.</u> annum reduci-</i>	
<i>tur</i>	<u>125</u>
<i>Arcadius & Honorius Imperatores</i>	<u>34</u>
<i>Arnolphus primus Imperator Germanus</i>	<u>69</u>
<i>Astulfus Longobardorum Rex</i>	<u>63</u>
<i>Atalaricus Gothorum Rex</i>	<u>49</u>
<i>Attila Hunnorum Rex</i>	<u>58</u>
<i>Augustulus ac Orestes imperatores</i>	<u>41</u>
<i>Autus Imperator</i>	<u>40</u>

B.

<i>Benedictus XI. Pontifex</i>	<u>107</u>
<i>Benedictus XII. Pontifex</i>	<u>121</u>
<i>Berengarius Italia Rex</i>	<u>69</u>
<i>Bombarda, Germanorum inventum, omnium</i>	
<i>primum in Italia conspecta</i>	<u>129</u>
<i>Bonifacius IX. Pontifex</i>	<u>131</u>

Britan-

R E R V M.

<i>Britannia</i>	35
<i>Burgundia</i>	36

C.

<i>Cardinalitiae dignitatis initium</i>	67
<i>Cardinalium dignitas confirmata</i>	73
<i>Carolus Magnus Galliae Rex, & Imperator in Occidente</i>	66

<i>Carolus IV. Imperator feuda constituit in Italia</i>	122
---	-----

<i>Celestinus III Pontifex</i>	90
--------------------------------	----

<i>Celestinus V. Pontifex</i>	105
-------------------------------	-----

<i>Clemens II. Pontifex</i>	72
-----------------------------	----

<i>Clemens IV. Pontifex</i>	98
-----------------------------	----

<i>Clemens V. Pontifex</i>	107
----------------------------	-----

<i>Clemens VI. Pontifex</i>	121
-----------------------------	-----

<i>Clephes Longobardorum Rex</i>	58
----------------------------------	----

<i>Columnensium & Ursinorum familia,</i>	ibid.
--	-------

<i>Conradus II. Imperator</i>	73
-------------------------------	----

D.

<i>Desiderius Longobardorum Rex</i>	65
-------------------------------------	----

<i>Dominicanorum ordo sub Honorio papainitium habuit.</i>	94
---	----

<i>Ducum Ferrariae origo</i>	94
------------------------------	----

E.

<i>Electorum in Imperio origo</i>	72
-----------------------------------	----

<i>Eugenius II. Pontifex</i>	68
------------------------------	----

<i>Expositio Marianorum contra hostes fidei Christianae</i>	81
---	----

F.

<i>Ferraria Ducum origo</i>	94
-----------------------------	----

<i>Francia</i>	36
----------------	----

I N D E X

<i>Franciscanorū ac Dominicanorum ordo sub</i>	
<i>Honorio Papa initium habuit</i>	<u>94</u>
<i>Fredericus I. Babarossa cognomento, Impera-</i>	
<i>tor</i>	<u>83</u>

G.

<i>Gensericus Vandalorum Rex</i>	<u>36</u>
<i>Gothorum occidentalium irruptio</i>	<u>33</u>
<i>Gothorum orientalium irruptio</i>	<u>38</u>
<i>Guelphorum & Gibellinorum factio</i>	<u>95</u>
<i>Gregorius III. Pontifex</i>	<u>64</u>
<i>Gregorius V. Pontifex</i>	<u>72</u>
<i>Gregorius XI. Pontifex</i>	<u>129</u>
<i>Gregorius XII. Pontifex</i>	<u>134</u>

H.

<i>Hadrianus V. Pontifex</i>	<u>99</u>
<i>Hereses & schismata</i>	<u>47</u>
<i>Henricus II. Imperator</i>	<u>73</u>
<i>Henricus III. Imperator</i>	<i>ibid.</i>
<i>Henricus IV. & V. Imperatores</i>	<u>83</u>
<i>Henricus VI. Imperator</i>	<u>90</u>
<i>Henricus VII. Imperator</i>	<u>108</u>
<i>Honorius & Arcadius Imperatores</i>	<u>34</u>
<i>Honorius III. Pontifex</i>	<u>92</u>

I.

<i>Ildoadus Gothorum Rex</i>	<u>50</u>
<i>Imperator dignitate sua priuatus à Pōt. Ro.</i>	<u>75</u>
<i>Imperium Romanum a Gallis ad Germanos</i>	
<i>translatum</i>	<u>69</u>
<i>Imperii ruina in Oriente</i>	<u>33</u>
<i>Innocentius III. Pontifex</i>	<u>91</u>
<i>Innocentius IV. Pontifex</i>	<u>95</u>

Inno-

R E R V M.

<i>Innocentius VI. Pontifex</i>	127
<i>Innocentius VII. Pontifex</i>	133
<i>Ioannes XXII. Pontifex</i>	109
<i>Ioannes XXIII. Pontifex</i>	135
<i>Italia vires fractæ</i>	144
<i>Iubilæus, vide Annus Iubilæus.</i>	
<i>Iustinianus Imperator</i>	49
<i>Iustinus Imperator</i>	52
<i>Ius quod in vrbe Roma habebat Imperator, per Pontificem ei adimitur</i>	89

L.

<i>Leo III. Pontifex</i>	67
<i>Longobardia</i>	ibidem
<i>Ludouicus Imperator</i>	68
<i>Ludouicus IV. Imperator</i>	109

M.

<i>Marianorum expeditio contra hostes fidei Christianæ</i>	81
<i>Martinus IV. Pontifex</i>	103
<i>Martinus V. Pontifex</i>	137
<i>Maximus Imperator</i>	40
<i>Militum Hierosolymitanorum & Templariorum ordo</i>	82
<i>Monialis nubit</i>	90
<i>Mutatio in Imperiis periculosa</i>	45

N.

<i>Neapolis reges sunt, etiam reges Hierosolymæ</i>	93
<i>Nicolaus II. Pontifex</i>	74
<i>Nicolaus III. Imperator</i>	100
<i>Normandia</i>	77

I N D E X

O.

Odacer Rugianus	<u>41</u>
Ordo Dominicanorum & Franciscanorum initium <u>habuit sub</u> Honorio Papa tertio	94
Orestes ac Augustulus Imperatores	41
Otho I. Imperator	<u>71</u>
Otho IV. Imperator	91

P.

Paschalis I. Pontifex	<u>67</u>
Paschalis II. Pontifex	<u>83</u>
Pipinus Gallia Rex	<u>63</u>
Pipinus Italia Rex	<u>67</u>
Pontifices Romani causa omnium malorum in utroq ^{ue} Imperio	<u>62</u>
Pontifices tres Romani simul dignitate pri- uati	137
Pontificia sedes in Galliam transfertur	168
Pontificia dignitatis initium	59

R.

Reges Neapolis non possunt esse Imperatores Romani	92
Reguli Italia complures	<u>143</u>
Rudolphus Imperator	<u>92</u>
Ruina Imperii Romani causa & origo	34
Ruina <u>Imperii in</u> Oriente	161

S.

Schisma	<u>47, 75, 84, 119</u>
Sclauonia	61
Sedes Pontificia in Galliam transfertur	108
Sergius Pontifex	<u>68</u>
Sigismundus Imperator	136
Stepha-	

R E R V M

Stephanus VIII. Pontifex 70

T

Teias Gothorum Rex 52

Theodoricus Gothorum Rex 43

Theodorus Pontifex 66

Theodosius I. Imperator 84

Theodosius II. Imperator 86

Tiberius Imperator 57

Totila Gothorum Rex 56

Tres Pontifices Romani simul dignitate pri-
uati 137

Tyranni xxx. 58

V.

Valamir Gothorum Rex 39

Valentinianus Imperator ibidem

Vespera Sicula 103

Vires Italia fracta 143

Viscontiorum familia, & de origine ducum

Mediolanensium 109

Vitiges Gothorum Rex 49

Vngaria 37

Vrbannus II. Pontifex 80

Vrbannus IV. Pontifex 98

Vrbannus V. Pontifex 128

Vrbis Veneta origo, ac historia 116

Vrsinorum familia 105

FINIS

